

**DE BRANCHIDIS:
DISSERTATIO
INAUGURALIS
QUAM
AMPLISSIMI...**

Heinrich Gelzer





UNIVERSIDAD COMPLUTENSE



5321936896



b
91591



ERNESTO CURTIO

D. D. D.

AUCTOR.



§ 1.

De oraculi primordiis.

Si quis Ionicarum urbium origines diligenter perscrutari atque accurate indagare voluerit, is facere non poterit, quin optimo ejus rei duci, Pausaniae periegetae, summam tribuat auctoritatem, quippe qui, ex Lydorum Ionumve ipsorum finibus oriundus, omnia, quae ad patrias antiquitates pertinere sibi viderentur, diligenter collegerit et memoriae prodiderit.

Itaque cum apud eum legamus, Didymaeum delubrum et Branchidarum oraculum jam ante Ionum, qui fertur, adventum condita fuisse,¹ non dubito, quin in constituenda templi aetate ei, quem attuli, loco maxima fides habenda sit. Neque quemquam negare putaverim, etiam ante Ionum migrationem Apollinem, deum Ionicum, in Ionica terra vaticinari potuisse: qui enim viri docti² conjecerunt, Ionum primordia in litore Asiatico quae-renda esse, ei iudicio suo haud falsi esse videntur.

Iam vero, quae sacerdotes de templi primordiis narraverunt, accuratius examinemus. In quibus Varronis³ narratio, quamvis multis locis corrupta, tamen nonnulla integritatis et vetustatis vestigia prae se fert. Refert enim Olum quendam, decimum ab Apolline, filium, Simerum nomine, per imprudentiam in litore Milesio reliquisse. Qui cum in saltum Patronis cujusdam pervenisset, Patronem, jussu Leucotheae deae, eum tamquam filium

¹ Pausan. VII, II, 4.

² Curtius, die Ionier vor der ionischen Wanderung.

³ Lutatius (Lactantius) ad Statii Thebaïd. VIII, 198. edid. Emer. Cruceus Paris 1618 pag. 364 B et C.

Geizer, de Branchidis.

liberaliter habuisse filiamque suam in matrimonium ei dedisse. Quam, gravidam factam, per somnia vidisse Solem introeuntem sibi per fauces, exeuntem per ventrem, filioque postea nato Branchi indidisse nomen, cum per fauces in ipsam Sol introisset et per ventrem egressus esset. Branchum vero, postea amasium Apollinis factum esse: quia eum, oves in silva pascentem, osculatus esset. Corona dein virgaque ab Apolline acceptis, Branchum vaticinari coepisse. Ibi et Milesios aram Apollinis Philesii consecrasset.

Hacc ferme Varronis narratio est. Quae vero apud Cononem¹ leguntur, quamvis ejusdem originis, tamen aliquantum, a Varronianis diversa sunt. Ac primum quidem Branchi pater Σμῆρρος nominatur. Pater autem Smieri non olor (ita aperte legendum est pro „olus“), ὁ κύων, Apollinis avis, sed Demochus Delphus est. Quo ex loco manifesto apparet, quae apud Cononem tradantur, seriori aetati adscribenda esse. Etenim ubi primum Pythii Apollinis oraculum inclaruit, vates multa finxerunt, multasque fabulas excogitaverunt, quibus docerent, Clariorum sacerdotum, Branchidarum, aliorum originem esse *Delphicam*, ita ut Pytho quodammodo μητρόπολις oraculorum fieret.²

Quod autem Varro memoriae prodidit, Branchum coronam virgamque a deo accepisse, id ex more sacro est, ac prorsus cum ritu sacerdotali convenit. Nam, teste Jamblichō,³ mulier fatidica, quae postea in locum prophetae successit, virgam manu tenens, a deorum aliquo olim sibi traditam, divino spiritu repleta est.

Restat, ut Philesii vel Philii, qui vocatur, Apollinis cognomen explicemus. Neque dubium est, quin Conon explicationem illius cognominis a turpi amore masculino petat, cum dicat Apollinem, amore captum, Branchum complexum et osculatum esse.⁴ E Statii scholiis, ne quid lucremur, ipsa scholiorum misera con-

¹ Photius patriarch. myriobibl. cod. 186. Conon. διηγήσ. 33. cfr. Clavier sur les oracles pag. 130.

² Preller Griech. Mythol. II, 484.

³ Jamblichus de mysteriis ed. Parthey pag. 127.

⁴ Conon l. c. καὶ ἦν ὁ παῖς κάλλιστος ἀνδρώπων, καὶ αὐτὸν ἐφίλησεν ἐρασθεὶς Ἀπόλλων, εὐρὼν ποιμαίνοντα, ἐνθα βωμὸς Ἀπόλλωνος Φυλίου ὄρεται.

dicio prohibet. Consentiunt vero cum Conone, cognomen Apollinis de puerorum amore explicante, Strabo et Philostratus, quorum ille,¹ ubi de Branchidarum oraculo refert, ejusdem de Apollinis amore fabellae mentionem facit; hic vero² Ioniae gloriolam quandam esse praedicat, quod ea sit patria amoris puerilis: inde enim oriundos esse Clarum et Branchum, Apollinis catamitos.

Quae tamen omnia ne pro certis exploratisque accipiam, habeo caussas, ut puto, satis idoneas. Eodemmodo haec tractanda mihi esse videntur, quo fabulae commenticiae Pythiorum sacerdotum, id agentium, ut aliis oraculis originem Delphicam vindicarent. Posterioris enim aetatis Graeculi multa aequae absurda de Patroclo,³ de Heleno,⁴ de aliis hariolati sunt. Quam vero Macrobius⁵ explicationem allegoricam excogitavit, ne ea quidem admittenda est. Ac meo iudicio nemo ei acceDET, ita explicanti: Ἀπόλλων Φιλόπριος, quod lumen ejus exoriens amabile amicissima veneratione consalutamus.

Necne solum de epitheti explicatione veteres scriptores inter se discrepant, sed etiam multum abest, ut de re ipsa omnium sit una eademque opinio. *Pudicum* enim fuisse Apollinis in Branchum amorem docemur a Callimacho, cujus de rebus mythicis iudicium, quippe doctrina et eruditione bene fultum ac munitum, ne quis aspernetur. Cujus ex carmine, quod condidit de Brancho, Terentianus Maurus haec deprompsit:⁶

Necnon et memini, pedibus quater his repetitis
Hymnum Battiadem Phoebō cantasse Iovique
Pastorem Branchum, cum captus amore pudico
Fatidicas sortes docuit depromere Paean.

Osculum enim Apollinis intimam inter deum et prophetam

¹ Strabo XIV pag. 634. ἐνταῦθα δὲ μυθεύεται τὰ περὶ τὸν Βράγχιον καὶ τὸν ἔρωτα τοῦ Ἀπόλλωνος.

² Philostratus pag. 344 ed. Kayser. ἀλλ' ἀπ' Ἰωνίας; καὶ τί τῆς γῆς ἐκείνης; ἀβρότερον, ὅπου Βράγγιοι καὶ Κλάριοι, οἱ Ἀπόλλωνος καλοί. Cujus sententiae accessit Welckerus griech. Goetterl. II, 382 ff.

³ Lucian. amores 54.

⁴ Ptolem. Hephaestion apud Photium Patr. Westermann Mythogr. pag. 195.

⁵ Macrobi. Sat. I, 17.

⁶ Terent. Maurus de metris pag. 2424 ed. Putsch.

intercedere necessitudinem, si translationem mythicam admittere licet, documento est. Hisce omnibus, quae attuli, intellegi potest, Branchum ipsum fabuloso heroïcae aetatis tempori adscribendum esse. Qui enim Branchidarum, in quorum familiam postea oraculi Didymaei cura pervenit, auctor fertur, is certe mythicus est.

Accedit, quod a Metrodoro Branchus cum Hyacintho comparatur. „Branchus Thessalus fuit dilectus Apollini, ut Hyacinthus, quem acriter interfectum dolens templo et sepulcro consecravit. Illic Branchiades Apollo dicitur.“¹

Alias praeterea gentes oraculo praefuisse, Conon auctor est, qui sicut Branchidarum, ita etiam Euangelidarum originem prodit, haec fere narrans.²

Leodamas, Milesiorum rex, expugnata Carysto urbe, mulierem captivam, infantem uberibus alentem, cum aliis plurimis donariis, manubiarum decimis, ad Branchidas misit. Ipse vero tunc Branchus templo et oraculo praeerat, qui captivam mulierem magna cura nutritiv ejusque filium adoptavit. Qui cum adolevisset, a Brancho oraculorum nuntius factus, Euangelus appellatus est. Defuncto vero Brancho, in oraculo successit, et auctor Euangelidarum apud Milesios fuit.

Quam Cononis narrationem, si recte interpretamur, unum certe ea edocemur. Quamquam enim Leodamas rex, quo tempore vixerit, constitui non potest, tamen a veri specie hoc abhorreere non videtur: cum Branchus sacerdos idemque vates fuerit, et teste Conone, Euangelum oraculorum interpretem fecerit, curam Didy-

¹ Lutat. (Lactant.) ad Stat. Theb. III, 478.

² Conon apud Photium cod. 186 διηγ. 44. . . . Λεωδάμας δὲ λαμπρῶς κατὰ Καρυστίους ἀνδραγαθήσας, κατὰ κράτους ἐλὼν τὴν πόλιν καὶ ἀνδραποδισάμενος, Μιλήτου ἐπανῶν, κατὰ τὰ συγκείμενα βασιλεύει. Αἰχμαλώτων δὲ κατὰ χρησμὸν γυναῖκα Καρυστίαν, παῖδα φέρουσαν ὑπομάσθων, μετὰ πολλῶν καὶ ἄλλων ἀναθημάτων, ἃ δεκάτῃ τῶν λαφύρων ἐτόγγανον, ἀνέπεμψεν ἐν Βραγχίδαις. αὐτὸς δὲ τότε Βράγχος προστίχει τοῦ τε ἱεροῦ καὶ τοῦ μαντείου, ὃς τὴν τε αἰχμαλώτων γυναῖκα ἐνόμισε καὶ τὴν παῖδα αὐτῆς ἔθηκετο. ἤρξανε δ' ὁ παῖς οὐ κατὰ λόγον, ἀλλὰ θείᾳ τινὶ τύχῃ, καὶ πλέον ἢ πρὸς τὴν ἡλικίαν ἀπήντα τὸ εὐσύνετον. Ποιεῖται δὲ αὐτὸν Βράγχος καὶ ἄγγελον τῶν μαντευμάτων, Εὐάγγελον ὀνομάσας. Οὗτος ἡρξήσας τὸ Βράγχου μαντεῖον ἐξεδέξατο καὶ ἀρχὴ γένους Εὐαγγελιδῶν παρὰ Μιλήσιος ἐγένετο. — G. Vossius de origine et progr. idolol. II cap. XII pag. 137 a. — Müller Dorier I, 224 Anm. 3.

maei fani inter Branchidarum Euangelidarumque familias postea divisam esse existimo, atque ita pactum esse, ut Branchidae ipso dei sacerdotio fungerentur, Euangelidae autem, id quod nomen monstrat, nuntii fierent voluntatis divinae eis, qui oraculum consulturi adirent.

Facti igitur sunt oraculorum interpretes — *χρησμῶν ἐξηγηταί*.

Atque oracula a prophetide, sicuti Delphis, Dodonae, Pataris, aliis locis edebantur. Sed de his postea.

Praeter has, quas attuli, fabulas etiam alia invenitur apud Tzetzen, quae ad Didymaei oraculi origines referenda esse videntur. Qui quidem nobis tradidit, ¹ Hesionen ex Telamone gravidam factam, Miletum aufugisse et filium, Trambelum nomine, peperisse. Hunc ab Achille, qui expeditione Graecorum ad diruendam Trojam facta, Miletum delatus esset, interfectum esse: postea vero ab eodem, cum comperisset Trambelum Telamonis esse filium, magnificentissimo funere honoratum fuisse.

Hic vero Trambelus Apollinis vatibus adnumerandus esse videtur. Primum enim mater ejus a Lycophrone *παρθένος* nominatur *Βραγχησίδη*, ² dein Achilles Apollinis vatibus inimicissimus est. Nam in ipso Thymbræo Troïlum, ³ Apollinis carissimum filium, obtruncavit, neque Cycno, ⁴ neque Tennæ ⁵ pepercit.

Atque cum in titulo apud Lebasium ⁶ propheta ex Ajacis gente nominetur, verisimile est Trambelidarum quoque gentem Didymaei oraculi sacerdotibus ascribendam esse.

Itaque fabularum, quae ab ipsis Didymaei oraculi sacerdotibus circumferebantur, ratione habita, neque cum Buttmanno ⁷ Argonautarum tempore conditos esse Branchidas, neque cum

¹ Tzetzes ad Lycophron. v. 467. Ἡσιόνη ἐκ Τελαμῶνος ἐγκυος γενομένη, ἀπέδρασε τῆς νεώς καὶ νηΐαμένη ἦλθεν εἰς Μίλητον. Τῆς δὲ εἰς Ἰλιον στρατείας γενομένης, Ἀχιλλεὺς εἰς Μίλητον παρεγένετο καὶ τὸν Τράμβηλιν ἀντιστάντα ἀνείλε. Μαθὼν δὲ Τελαμῶνος εἶναι υἱὸν, ἔθαψεν αὐτὸν, δακρύοντα ὡς συγγενῆ.

² Lycophron. v. 1379.

³ Tzetzes ad Lycophr. v. 307.

⁴ Pindar. Ol. II, 82 (147).

⁵ Pausan. X, XIV, 4.

⁶ Lebas voy. archéol. As. Mipeure Nr. 239.

⁷ Buttmann Mythologus II, pag. 208 ff.

O. Müllero¹ ex Creta insula coloniam sacerdotum Miletum deductam esse censemus.

Nullum enim adest vestigium, quo nisi, Didymaei sacerdotes, sicuti prophetarum gentes apud Delphos, e Creta insula originem duxisse, dicere possimus.²

Verum, cum Soldanus³ inter annos 632 et 601 a. Ch. n. Branchum oraculum condidisse statuatur, non multos ejus sententiae accessuros esse puto. Etenim, quae de Branchidarum origine traduntur, antiquissimis temporibus ascribenda sunt, uti in proximis demonstrare conati sumus.

§ 2.

De Didymaei oraculi historia.

Ut nunc ad Didymaei delubri historiam transeamus, testis est Tzetzes,⁴ jam a Neleo, primo Ionum rege, consultum esse oraculum. Qui cum in Milesiorum terram pervenisset, de condenda nova urbe a deo oraculum petiit. Is autem respondit filiam ei locum esse assignaturam. At ille, cum eam videret sese ipsam denudantem et quaerentem, num quis secum vellet consuescere, divini oraculi sententiam intellegens, eo loco novam urbem aedificavit. Uti vero Apollo gentis Milesiorum auctor est, ita etiam soror, quae a Callimacho hoc modo celebratur:⁵

Πότνια, πολυμέλαθρε, πολύπολι, χαῖρε Χιτώνη,
Μιλήτω ἐπίδημε. σὲ γὰρ ποιήσατο Νηλεὺς
Ἰγεμόνην, ὅτε νηυσὶν ἀνήγετο Κεχροπίηθεν.

Itaque Apollini „ἀρχηγέτη“ juncta est Diana „ἀρχηγεῖς“ sive „ἰγεμόνη“. Quae quomodo a Branchidis culta sit, postea enarrabimus.

¹ O. Müller Dorier I pag. 224.

² Hoeck Kreta II pag. 319 ff.

³ Zeitschrift für Alterthumswissenschaft 1841 Nr. 67. pag. 559.

⁴ Tzetzes ad Lycophr. v. 1385. Τοῦ δὲ Νηλέως πάλιν ἐν Μιλήτῳ μακτευσάμενός, πῶς ἡεῖ κτίσειν, ὃ θεὸς ἐφ' ἣ τὴν θυγατέρα αὐτοῦ δεῖξαι αὐτῇ. Ἀποβάς δὲ εἶδεν αὐτὴν ἀποσυραμένην τοὺς μηρούς καὶ λέγουσαν· τίς μοι θέλει συνουσιάζειν; συνεῖς δὲ ὁ πατὴρ αὐτῆς τὸ λόγιον, ἐκεῖ κατώκησεν.

⁵ Callim. hymn. in Dianam 225.

Iam cum intellegamus ad condendam Miletum Branchidarum deos maximam operam dedisse, recte aliquis quaerat, num in collocandis Milesiorum coloniis Apollo atque Diana similiter principatum, ut ita dicam, tenuerint. Atque multa inveniuntur, ex quibus accurate demonstrari potest, Milesiorum celeberrimas colonias ab Apolline et Diana scilicet sub Didymaeorum sacerdotum ductu auspicioque conditas esse.¹

Atque ut a Cyzico, colonia potentissima et per longum temporis tractum immuni ordiamur, luculento Aristidis rhetoris testimonio² docemur, Apollinem ipsum Cyzici fuisse conditorem. Alias enim urbes ab hominibus, consulto deo, conditas esse, Cyzicenos vero colonos, ducente deo ipso, novas sedes obtinuisse dicit.

Neque alia Apollonius,³ doctissimus poëta, refert.

Κεῖσθε καὶ εὐναίης ὀλίγον λίθον ἐκλύσαντες
Τίφρος ἐννεσίχησεν ὑπὸ κρήνῃ ἑλκιδοντο,
Κρήνῃ ὑπ' Ἀρταχίῃ· ἔτερον δ' ἔλον ὅστις ἀρήρει
Βριθύν· ἀτὰρ κείνῳ γε θεοπροπίαις ἔκαστοιο
Νηλεΐδαι μετόπισθεν Ἰάονες ἰδρύσαντο
Ἱερὸν γὰρ θέμις ἦεν Ἰησονίης ἐν Ἀθήνῃς.

Quibus Apollonii verbis enarrator addit,⁴ Milesios, cum ex oraculo Apollinis terram occupassent, ancoram donum in templo Iasoniae Minervae posuisse.

Templum vero Apollinis apud Cyzicenos ab Aristide⁵ summis laudibus effertur. Aedificium enim esse vasti ambitus, cryptis subterraneis et porticibus ornatum, dicit.

Dein Proconnesii, Cyzicenorū finitimi, tamquam „ἀρχηγέ-

¹ Müller Dorier I, 225.

² Aristides rhetor. or. XVI vol. I pag. 383 ed. Dind. πεπύσθαι δὲ τινα ἤδη καὶ τῶν ἐν Ὑπερβορείοις οἶμαι τὴν περὶ Κολχικὸν χρυσίδιον καὶ τὸν μάρτυρα τῆς εὐδαμονίας τῇ πόλει, ὃς ταῖς μὲν ἄλλαις πόλεσιν ἐξηγητῆς ἐστὶ, τῇ δὲ πόλει ταύτῃ καὶ ἀρχηγέτης. τὰς μὲν γὰρ ἄλλας πόλεις διὰ τῶν οἰκιστῶν ὥρισεν οὗτος ἀπέστειλεν. ἐκαστογέσε, ταύτης δὲ ἐκ τοῦ εὐθέως γέγονεν οἰκιστής.

³ Apollon. Rhodius I, 935 sq.

⁴ Scholia ad Apoll. Rhod. l. c. Μιλήσιοι δὲ ἐναικίσαντες κατὰ χρυσίδιον Ἀπόλλωνος τὴν ἀγκύραν ἀνέβρῳσαν ἐν τῇ ναυῇ τῆς Ἰασονίης Ἀθηνᾶς.

⁵ Aristides rhetor. or. XVI vol. I pag. 390 ed. Dindorf.

τιδα τῆς πόλεως“ Dianam coluerunt. Cum enim Milesii coloniam deduxissent, virgo, urnam gestans, eis obviam ivisse fertur. Quamobrem etiam incolae „ἀπὸ τῆς προχόου“, „Προχονήσοι“ dicti sunt.¹ Virgo, urnam gestans, Diana Pythia est, quae a Branchidis colebatur et cujus in honorem τὰ ὑδροφάρια celebrabantur per dies festos splendidissimos. Et quamvis nominis vim scriptores parum recte enodent, hoc tamen pro certo affirmare possumus, ductu auspicioque Didymeae deae conditam esse Proconnesiorum urbem.

Tum uti in nummis coloniarum Chalcidensium, ita etiam in Milesiarum coloniarum nummis Apollinis symbola et imagines inveniuntur; qua ex re stricte colligi potest, ex patria Apollinis sacra in colonias translata esse.

Ita Abydeni, Apollinis sacris prae ceteris dediti, nummos urbanos Apollinis laureati capite signaverunt.² Verumtamen ne sororem quidem neglexerunt; sed in aliis nummis Dianae imago expressa est, arcum tenentis et pharetram, et in parte aversa cervæ, Dianae animal, intra coronam ficta est.³

Itidem et Lampsacenorum nummi stolati Apollinis imaginem expresserunt.⁴ Et Cianorum urbs, quae postea Prusias⁵ nuncupata est, eodemmodo nummos laureati Apollinis forma signavit.

Videmus igitur, uti Chalcidenses, Corinthii, Achivi, alii ducente deo Delphico colonias deduxerunt, ita etiam Branchidarum sacerdotes condendarum Milesiorum coloniarum duces et auctores fuisse.

Quamquam de Milesiorum in Propontide coloniis maxima nobis suppediatur testimoniorum copia, tamen de Ponticis quoque nonnullis urbibus similia memoriae produntur.

¹ Scholia ad Apoll. Rhod. II, 279. Διονύσιος δὲ φησιν ὅτι Ἀθηναῖος ἐν ταῖς κτίσεσιν τὰς ἐλάφους οὕτω λέγεσθαι πρόχας, ὅθεν καὶ Προχόννητος, ἐπεὶ ἐν ταύτῃ πληθύνουσιν ἐλάφοι. Οἱ δὲ Προχόννητον λέγουσιν εἰρησθαι ἀπὸ τῆς προχόου, ἣν ἔχουσα τοῖς Μιλησίοις ἀπήντησεν ἡ παρθένος ὅτε τὴν ἀποιχίαν ἐστέλλοντο.

² Eckhel doctrina nummorum veterum II pag. 478.

³ Eckhel l. c. II pag. 457.

⁴ Eckhel l. c. Millingen, ancient coins pag. 69.

⁵ Strabo pag. 563.

⁶ Eckhel l. c. pag. 434. 435.

Strabo testis est, Apolloniae, in urbe Pontica, magnum Apollinis fuisse delubrum.¹

Iam in antiquissimis fabulis de Sinopensium origine Apollo commemoratur. Ad Apollonii enim verba „ἐνθα Σινώπη“ enarrator refert,² urbem ita esse nuncupatam, quod Apollo Sinopen, Asopi filiam, ex Syria in Pontum abrupisset. Quae cum ex deo gravida facta esset, filium peperisse traditur, Syrum nomine.

Accedit quod Arrianus memoriae prodidit, Trapezunte, in Sinopensium colonia, Philesium cultum esse.³

Atque in Taurici Bospori urbibus nummi permulti inveniuntur, qui arcu et sagitta, Apollinis symbolis, ornati sunt.⁴ Olbianorum vero patronus Apollo προστάτης⁵ est, cujus in oppidanis titulis saepenumero mentio fit.

Denique uti et Aegyptiacam Milesiorum coloniam addam, teste Herodoto,⁶ Apollinis templum Naucratis exstruxerunt.

Haece fere sunt, quae de Apolline, coloniarum auctore, a Milesiis memoriae prodita sunt. Atque jam intellegimus, quantum Branchidarum oraculum temporibus antiquis apud Milesios valuerit. Et sacerdotes non minimum contulerunt, ut postero tempore Miletus prima Ioniae colonia et mater multarum magnarumque urbium in Ponto, in Aegypto et ubique ferme in orbe terrarum nominaretur.⁷

In fabulis, quae de septem sapientibus et de nonnullis philosophorum inde ab ineunte sexto ante Christum saeculo circumferebantur, saepius Branchidarum mentio fit. Thales igitur prae-

¹ Strabo VII, 319.

² Schol. ad. Apoll. Rhod. II, 946. πόλις τοῦ Πόντου ἡ Σινώπη ἀπὸ τῆς Ἀσωποῦ θυγατρὸς Σινώπης, ἣν ἀρπάσας Ἀπόλλων ἀπὸ Συρίας ἐκόμισεν εἰς Πόντον, καὶ μεγεῖς αὐτῇ ἔσχε Σύρον ἀπ' οὗ οἱ Σύριοι.

³ Arrian peripl. pont. Eux. 3. — C. Müller geogr. min. I pag. 371. — O. Müller Dorier I pag. 225.

⁴ de Phanagoria vide Eckhel. I. c. II pag. 239.

⁵ C. J. G. 2067. 2070. 2071. 2072 etc.

⁶ Herodot. V, 36. Χωρὶς δὲ Αἰγυπτῶν ἐπ' ἐσωτῶν ἰδρύσαντο τέμενος Διὸς καὶ ἄλλοι Σάμιοι Ἦρας καὶ Μιλήσιοι Ἀπόλλωνος.

⁷ C. J. G. 2878. τῆς πρώτης τῆς Ἰωνίας ψικισμένης καὶ μητροπόλεως πολλῶν καὶ μεγάλων πόλεων ἐν τε τῇ Πόντῳ καὶ τῇ Αἰγύπτῳ καὶ ὀλλυαχῶς τῆς ψικισμένης Μιλήσιων πόλεως ἡ βουλὴ καὶ ὁ δῆμος κτλ.

clarum illum tripodem, qui a sapientum alio semper ad alium tamquam majore ingenii acumine praeditum mittebatur, Didymaeo Apollini, auctore Diogene, dono dedicavit.¹

Sed et scutum illud, de quo Pythagorei, animae transmigrationem docentes, multa et mirabilia tradiderunt, secundum Heraclidem Ponticum² in Branchidarum templo affixum fuit.

Iam inde a vetustissimis temporibus hoc oraculum, quod praeter Delphos gloria nulli cessit, ab Aeolensibus et Ionibus omnibus visitabatur. Sic Cumaei, Acolensium caput, de tradendo Paetye, teste Herodoto,³ Branchidas consuluerunt.

Verum non modo apud Graecos, sed etiam apud Cares Didymaeum oraculum summa auctoritate fruebatur. Cares enim, contra Darium pugnaturi, Branchidarum deum consuluerunt.⁴

Ubi vero, inlaescente Milesiorum urbe, etiam Branchidarum oraculum ad summum honoris fastigium pervenit, exterarum gentium reges Didymaeum deum donis locupletissimis ditaverunt.

Necos, Aegyptiorum rex, postquam apud Magdolum,⁵ (ἐν

¹ Diogen. Laërt. Lib. I Thales segm. 28. ἐδόθη δὲ Θαλῇ καὶ κατὰ περίοδον πάλιν Θαλῇ, ὁ δὲ τῷ Διδυμαίῳ Ἀπόλλωνι ἀπέστειλεν, εἰπὼν οὕτω κατὰ τὸν Καλλίμαχον·

Θαλῆς με τῷ μεθεῶντι Νεϊλέῳ δῆμου
Δίδωσι τοῦτο δις λαβὼν ἀριστεῖον·

τὸ δὲ περὶ οὕτως ἔχει·

Θαλῆς Ἐξαμύου Μιλήσιος Ἀπόλλωνι
Διδυμαίῳ Ἑλλήνων ἀριστεῖον δις λαβὼν.

² Diogen. Laërt. Lib. VIII Pythagor. segm. V. . . . φησὶν Ἡρακλείδης ὁ Ποντικὸς, ἐπειδὴ δὲ Εὐφορβὸς ἀποθάνει, μεταβῆναι τὴν ψυχὴν αὐτοῦ εἰς Ἑρμότιμον, ὃς καὶ αὐτὸς πίστιν δοῦναι θέλων, ἐπανήλθην εἰς Βραγχίδας καὶ εἰσελθὼν εἰς τὸ τοῦ Ἀπόλλωνος ἱερὸν, ἐπέδειξεν, ἦν Μενέλαος ἀνέβηκεν ἀσπίδα.

³ Herodot. I, 157. Οἱ δὲ Κυμαῖοι ἐγνωσαν συμβουλῆς περὶ εἰς θεὸν ἀνῆσαι τὸν ἐν Βραγχίδῃ. ἦν γὰρ αὐτῷ μαντήτιον ἐκ παλαιοῦ ἰδρυμένον, τῷ τε Ἰωνέσι τε πάντες καὶ Αἰολέσις εἰώθεσαν χρῆσθαι.

⁴ Paroemiogr. Graeci edit. Gotting. I Zenobius V, 80. φασὶ τοὺς Κῆρας πολεμουμένους ὑπὸ Δαρείου τοῦ Πέρσου κατὰ τινα παλαιὰν μαντείαν εἰρημένην αὐτοῖς τοὺς ἀλκιμοτάτους προσθέσθαι συμμάχους, ἐλθεῖν ἐς Βραγχίδας καὶ τὸν ἐκεῖ θεὸν ἐρωτῆσαι, εἰ Μιλήσιους πρόσθαινοτο συμμάχους, τὸν δ' ἀποκρίνασθαι·

Πάλαι ποτ' ἦσαν ἀλκιμοὶ Μιλήσιοι.

⁵ Herodot. II, 159.

Μαγεδδῶν¹), Josiam, Judaeorum regem, superavit, vestem qua indutus, victoriam reportaverat, Apollini dedicavit et ad Branchidas transmisit.²

Sed rex prae ceteris φιλέλλην, Croesus, Lydius, uti alia multa delubra, ita etiam Branchidas splendidissimis donis³ locupletavit. Oraculum enim inter sex celeberrima apud Graecos numerabatur, quae a Croeso, priusquam cum Persis manus consereret, consulebantur.

Similiter etiam Histiacus, Milesiorum tyrannus, et Chares, Tichiussae regulus, dona templo miserunt.⁴

Et vero tempore, quo Persarum reges principatum apud Asiaticas gentes obtinuerunt, oraculum semper a Persis stetit. Neque hoc mirum est. Sacerdotes enim optimatibus favere solent. Populi contra potestatem, quae antea Mileti floruerat, in contemptu et odio habent, ita ut barbarorum dominationem popularium arbitrio praeferant.

Iam Cyri aetate, cum Pactyes Lydus novas res molitus esset, et Persarum poenas metuens, Cymen fugisset, legatis a Cumaeis missis deus, uti Pactycen Persis traderent, suasit.⁵

Neque a veri specie abhorret, Didymaeorum sacerdotum auctoritate Milesios commotos esse, uti cum Cyro paciscerentur.

Nequiquam, cum Ionum seditio exarsisset, Hecataeus, rerum scriptor, suasit, ut Milesii divitiis, quas Croesus Branchidis dedicaverat, ad exaedificandam classem uterentur.⁶ Talis enim sacerdotum auctoritas fuisse videtur, uti ne in omnium quidem rerum discrimine Milesii Didymaeum deum spoliarent.

¹ V. T. graeco ed. Tischendorf. Βασιλ δ' 23, 30.

² Herodot. II, 159.

³ Herodot. II, 92 τὰ δ' ἐν Βραγχιδῶνι τῆς (sec. Dindorf) Μιλησίων ἀναθήματα Κροίσῳ ὡς ἐγὼ πυνθάνομαι ἴσα τε σταθμὸν καὶ ἡμῶτα τοῖσι ἐν Δελφοῖς.

⁴ Kirchhoff Studien zur Gesch. des griech. Alphabets 2. Aufl. 1867 pag. 14 u. 16.

⁵ Herodot. I, 158—159.

⁶ Herodot. V, 36. εἰ δὲ τὰ χρήματα καταρεθείη τὰ ἐκ τοῦ ἱεροῦ τοῦ ἐν Βραγχιδῶνι, τὰ Κροίσος ὁ Λυδὸς ἀνέθηκε, πολλὰς εἶχε ἐλπίδας ἐπικρατίσειν τῆς θαλάσσης· καὶ οὕτω αὐτὸς τε ἔξιν χρήμασι χρᾶσθαι καὶ τοὺς πολέμιους οὐ σιγήσειν αὐτὰ· τὰ δὲ χρήματα ἦν ταῦτα μέγαλα.

At jam, urgente Milesiorum fato, insignis calamitas etiam Didymaeo oraculo illata est. Quod quidem incommodum, teste Herodoto,¹ jam a Pythia Argivis, oraculum petentibus, praedictum est.

Καὶ τότε δὲ, Μίλητε, κακῶν ἐπιμήχανε ἔργων
Πολλοῖσιν δεῖπνόν τε καὶ ἀγλαὰ δῶρα γενήσῃ·
Σαὶ δ' ἄλλοι πολλοῖσι πόντας νύβουσι κομήταις
Νηοῦ δ' ἡμετέρου Διὸύμοις ἄλλοισι μελήσει.

Sed quamquam inter omnes constat Didymaei Apollinis delubrum a Persis spoliatum et igne deletum esse, tamen non convenit inter veteres scriptores, quo tempore acciderit, ut Apollinis fanum tali infortunio affectum sit.

Herodotus enim in enarranda Ionum seditione, ubi a Persis Milesiorum urbem captam et excisam esse tradidit,² disertis verbis testatur, oraculum et templum Didymaei Apollinis a barbaris direptum et vastatum esse. Itaque imperante Dario rege Branchidarum fanum a Persis dirutum est. Neque Herodoti auctoritati diffidere nobis licet. Qui cum haud ita multo post debellatos Persas scripserit, certissimosque testes earum, quas traditurus erat, rerum invenire potuerit, Herodoti, quasi testis fere oculati plurimi est facienda auctoritas.

Ab ejus narratione multum recedunt ei, qui tradunt Xerxem post acceptam ad Mycalen cladem, haud invitis sacerdotibus, thesauris potitum esse et templum incendisse.

Quorum in numero primus nominandus est Strabo, qui Asiam fere totam peragravit, et Didymaei delubri vastum ambitum tam diligenter descripsit, ut ipsum oculis vidisse censuerit. Sed tamen in Brunnii³ sententiam discedere nequeo, existimantis, quae apud Strabonem inveniuntur, a fani sacerdotibus ei relata esse. Nam breviter modo de hac re loquitur, neque quidquam affert, quin idem apud Suidam, Curtium, alios legatur.

¹ Herodot. VI, 19.

² Herodot. VI, 19. ἱρὸν τε τὸ ἐν Διὸύμοις, ὃ νηὶς τε καὶ τὸ χρηστήριον, συληθέντα ἐνεπίμπρατο.

³ Die Kunst bei Homer pag. 35 (Abhandl. der k. bayr. Akademie der W. I, XI, III).

Accedit, quod in describenda Sogdiana provincia, ubi de Branchidarum oppido disputat, eisdem fēme verbis templi proditionem enarrat.

Operae pretium est, utramque narrationem juxta apponere.

XI pag. 518.

οὗς Ξέρην μὲν ἰδρῶσαι αὐτόθι
συναπάραντας αὐτῷ ἐκόντας ἐκ
τῆς οἰκείας διὰ τὸ παραδοῦναι
τὰ χρήματα τοῦ θεοῦ τὰ ἐν
Διῶμοις καὶ τοὺς θησαυροὺς,
ἐκεῖνων δ' ἀνελεῖν, μυσταττόμενον
τὴν ἱεροσυλίαν καὶ τὴν προ-
δοσίαν

XIV pag. 634.

οἱ δὲ Βραγχίῳ τοὺς θησαυροὺς
τοῦ θεοῦ παραδόντες τῷ Πέρ-
σῃ φεύγοντι συναπῆραν τοῦ μὴ
τίσαι δίκας τῆς ἱεροσυλίας καὶ
προδοσίας.

Quae cum tam arecte inter se cohaereant, ex uno eodemque fonte manasse dixeris. Atque certe ex auctoris cujusdam commentariis, qui res gestas Alexandri conscripsit, Strabo sua petiit. Soldanus¹ vero probabili conjectura statuit, e Callisthene Strabonem sua hausisse, cujus saepissime mentionem fecit.

Quamvis igitur verisimile sit, Strabonem Didyma pervenisse, tamen non ex sacerdotum narrationibus sua hausit.

Etiam Suidas² eadem ac quidem multo uberius refert. Is enim narrat, Branchidas, Xerxi faventes (Ξέρη χαρίζομενοι) templum dei indigenae barbaris prodidisse, ipsos vero leges Milesiorumque vindictam veritos, cum rege aufugisse et sedes in Asiae quodam loco, a Graecia quam remotissimo, collocasse. Itaque urbem eos condidisse, neglectis avibus, et Branchidas nuncupasse. Verumtamen dei providentiam non dormivisse, (οὐ μὴν ἐκάθευδεν ἡ τοῦ θεοῦ πρόνοια). Nam Alexandrum, qui devicto et prostrato Dario, in eorum oppidulum pervenerit, totam gentis progeniem interfecisse, judicantem, ignavam esse ignavorum prolem, urbemque solo aequasse.

Haec Suidas. Iam Kusterus probabili conjectura totam hanc narrationem, religionis superstitiosae plenam, ex Aeliani libro de providentia esse desumptam censuit.

¹ Zeitschrift für Alterthumswissenschaft 1841 pag. 572.

² Suidas s. v. Βραγχίῳ. Aelian. ed. Hercher, II pag. 210.

Accuratius autem de eorum interitu Curtius¹ disputavit, commemorans parvulum Branchidas habitasse oppidum, quia jussu Xerxis Miletum reliquerant. Quamquam patrii mores nondum exolevisset, tamen jam bilingues fuisse „paullatim a domestico externo sermone degeneres.“ Regem igitur Graecum magno eos gaudio excepisse. Illum vero, convocatis in exercitu Milesiis, liberum de proditoribus permisisse arbitrium. Inter quos, cum de irroganda poena non convenisset, ipsum regem Branchidas ad unum omnes caedi jussisse.

A veri specie non recedit, Curtium, qui diligentissime fabulosas de Alexandro concessit narratiunculas, Clitarcho² usum esse duce.

Obiter modo Plutarchus rem tangit. Qui quamvis Alexandrum summis saepe laudibus celebret, tamen propterea vehementer vituperat, quod Branchidarum noxiorum insontem prolem crudeliter trucidarit.³

Nec aliud Curtii judicium est, dicentis:⁴ „quae si in ipsos proditionis auctores excogitata essent, justa ultio esse, non crudelitas videretur: nunc culpam majorum posteri luere, qui ne viderant quidem Miletum, ideo et Xerxi non potuerant prodere.

Duo igitur fontium genera distinguenda sunt, Herodotus et scriptores, qui res gestas Alexandri enarraverunt.

Nunc vero, quid nostri aevi scriptores de Didymaei incendio statuerint, paullo accuratius examinemus. Iam facili negotio difficultatibus sese extricavit Clavierius.⁵ Is enim existimat, quae Strabo, Curtius, alii tradiderint, nullius esse momenti, sed vanas posterioris aetatis fabulas. Persis enim post acceptam ad Mycalen cladem id agendum fuisse, uti Ionum animos non excitarent, sed sibi conciliarent. Dein Xerxi, ut Didymaei thesauris potiretur, auxilio Branchidarum opus non fuisse. Ipsos vero Branchidas sacerdotum gentem, non populum esse. (Quis hoc unquam dixit?)

¹ Curtius VII, 23 ed. Zumpt.

² Schoell. Griech. Litt. II, 112.

³ Plutarch. de sera numin. vind. 12.

⁴ Curtius VII, 23.

⁵ Clavier mémoire sur les oracles pag. 131 ff.

Arrianum denique, qui optime res gestas Alexandri enarraverit, hanc rem silentio praeteriisse.

Cui Clavierii iudicio, etiamsi cunctanter, accessit R. Geierus,¹ qui quamvis dubitet, num tota narratio a Clitarcho excogitata et efficta sit, tamen haud pauca ab eo addita esse censet, quo magis cruenta ultio a Branchidis petita Graecorum animis arrideret. Sed multo accuratius de ea re Soldanus² egit, quem etiam Urlichsius³ secutus est.

Is igitur existimat, numquam fieri potuisse, ut Graecorum sacerdotes, vesania quadam correpti, templum fugienti barbarorum regi proderent, et in remotissimas Asiae latebras aufugerent. Sed hic mirus refutandi modus est. Cur quae nova et inaudita sunt, fieri omnino non possunt? Oblitus autem est Soldanus, complures commemorari sacerdotes, qui non modo templorum, sed etiam patriae proditores fuerunt.

Ita Eumedes, Minervae sacerdos, Palladium Temeno et Doriensibus, Argivorum urbem obsidentibus, tradidit, et ex urbe in Crium montem effugit.⁴ Eodemmodo Crius, Achaeus vates, teste Pausania,⁵ Dorienses edocuit, quomodo Lacedaemone potirentur.

Quod vero existimat, fore, ut Branchidarum nomen, si deorum indigenarum proditores fuissent, omnibus perosum esset, neque fano nomen scelere foedatum remaneret, hoc re vera accidisse videtur.

Nam in titulis, quorum magnus numerus in promptu est, Branchidae numquam nominantur. Plinius⁶ vero et Pomponius Mela⁷ disertis verbis declarant, oraculum Apollinis, quod olim Branchidarum nomen tenuerit, nunc Didymaeum appellari.

¹ Zeitschrift für Alterthumsw. pag. 827.

² Zeitschrift für Alterthumsw. pag. 570 ff.

³ Rhein. Mus. 1856 pag. 7 ff.

⁴ Scholia ad Callim. lavacr. Pall. v. 37. cfr. Plutarch Qu. Gr. 48.

⁵ Pausanias III, 13, 3.

⁶ Plinius N. H. V, 29 § 112. oppidum, oraculum Branchidarum appellatum, nunc Didymaei Apollinis.

⁷ Pomponius Mela I, 17. Oraculum Apollinis, dictum olim Branchidae, nunc Didymaei.

Neque Varro¹ neque Conon² obstant, qui templi origines enarrantes, antiquo nomine usi sunt. Ubi vero Strabo dicit, τὸ μαντεῖον τοῦ Διδυμείως Ἀπόλλωνος τὸ ἐν Βραγχιδαις³ doctrinam suam prae se ferre studet.

Mihi igitur ob eam potissimum causam Branchidarum nomen obsolevisse videtur, quia Branchidae ipsi, templi et patriae proditores, Graecis omnibus odio fuerunt.

Alia autem, quae Soldanus affert argumenta, ex Clavierii commentatione hausta sunt. Neque vero in docti illius hominis sententiam ita discessit, ut totam de Branchidarum fuga et interitu narrationem tamquam fabulosam abjiceret. Sed Branchidas, thesaurorum proditores, Pedasenses esse censet, a Dario Milesiorum agro donatos. Pedasenses autem eam Milesii agri partem acceperunt, quae in montibus sita erat, planitiem vero et loca urbi adjacentia Persae ipsi obtinuerunt.⁴

Sed quomodo, quaeso, quae a mari non plus octodecim, stadia⁵ aberant, montana, τὰ ὑπεράκρια, appellari possunt? Itaque cum Brunnio⁶ statuo, interiores modo territorii Milesii partes in Pedasensium potestatem devenisse, Didyma vero, uti ipsam Milesiorum urbem, Persarum facta esse.

O. Müllerus vero,⁷ etiamsi fabulam de Branchidarum interitu ob eam causam effictam esse censeat, ut immanis in Bactrorum quandam gentem commissa crudelitas honesta specie tegeretur, tamen, quae scriptores de templo prodito narrant, pro certis habenda esse existimat. Veruntamen ad fulciendam suam sententiam argumenta nulla affert.

Sed accuratissime et optime de Branchidarum proditione et templi incendio Brunnio⁸ egit, cujus in sententiam etiam

¹ Varro ap. Lutat. l. c.

² Conon ap. Photium l. c. narr. 33. 44.

³ Strabo XIV pag. 634.

⁴ Herodot. VI, 20. τῆς δὲ Μολισίης χώρας αὐτοὶ μὲν οἱ Πέρσαι εἶχον τὰ περὶ τὴν πόλιν καὶ τὸ πεδίον, τὰ δὲ ὑπεράκρια ἔδοσαν Καροὶ Πηδάσεῦσι ἐκτῆσθαι.

⁵ Strabo XIV, pag. 634.

⁶ Brunn l. c. pag. 34.

⁷ O. Müller kl. Schriften II, pag. 540.

⁸ Brunn l. c.

Overbeckius¹ abiit. Ante omnia Brunnii bene mihi demonstrasse videtur, Milesiorum urbem a Dario rege non funditus eversam, neque ad unum omnes incolas Ampen in exilium deductos esse. Nam in enarranda Mycalesia pugna Herodotus Milesiorum exercitus mentionem facit.² Quibus cum Persae diffiderent, jussi sunt vias, quae ad summos Mycales montes ducerent, custodire et defendere. Ibi vero inter primos a Persis desiscientes, cum Graecis societatem inierunt.

Qua ex re manifesto apparet, Herodoti verba³ „τῆς δὲ Μιλησίης χώρας αὐτοὶ μὲν οἱ Πέρσαι εἶχον τὰ περὶ τὴν πόλιν καὶ τὸ πεδίον“ non ita explicanda esse, uti a Persicis colonis territorium urbis occupatum esse censeas. Sed Persae administrandae Milesiorum reipublicae praepositi sunt.

Et cum Thierschius ad condendam novam Milesiorum urbem magnam Carum et Lyciorum et Ionum⁴ multitudinem confluisse autemet, mihi contra maxima veterum incolarum pars in sedibus patriis remansisse, et optimates modo civitatisque principes Ampen in exilium deducti esse videntur.

Branchidae vero, etsi militum fera cupiditas, expugnata urbe, ne sanctissimo quidem Apollinis delubro pepercit, in terra remansisse videntur. Nam Herodotus memoriae non prodidit, sacerdotes quoque Ampen deductos esse.

Dein, uti jam vidimus, Didymaeum Persis semper favebat.

Hucusque Herodoti auctoritatem secuti sumus, et suis ipsius verbis eum refellere conati sumus. Nunc vero, quid de aliorum scriptorum narrationibus statuendum sit, paucis adumbremus.

Atque quoniam demonstravimus, auctores hos omnes ex commentariis de Alexandri magni rebus gestis hausisse, hoc mihi ante omnia certum esse videtur, Branchidas cum Xerxe in Sog-

¹ Overbeck Berichte d. saechs. Ges. d. Wiss. 1868 I pag. 70 sq.

² Herodot. IX, 99. τοῦτο δὲ τὰς διόδους τὰς ἐς τὰς κορυφὰς τῆς Μυκάλης φερούσας προσταύουσι τοῖσι Μιλησίοις φυλάσσειν, ὡς ἐπισταμένοιαι ὀφθέν μάλιστα τὴν χώραν. cfr. 104.

³ Herodot. VI, 20.

⁴ Thiersch Epochen der bildenden Kunst pag. 146. „... nicht da Miletus, eine Mischung von Karern, Lykiern, Joniern und andren Asiaten, unter persischem Stabe geweidet ward.“

Gelzer, de Branchidis.

dianam provinciam aufugisse, Macedonesque his locis eorum posteros reperisse. Cui narrationi, cur fides abroganda sit, non intellego. Persae enim amicos suos, Themistoclem, Demaratum, Gongylum, alios magno honore habuere. Sogdiani igitur Branchidae Macedonibus narraverunt, se cum Xerxe post pugnam ad Mycalen factam locos illos petiisse. Et cur dubitemus, quin tunc temporis etiam in Branchidas, jam antea Persis faventes, timor invaserit, ne a Graecis ut patriae et templi proditores vindicarentur.

Neque in Herodoti silentio haereamus. Cum enim post pugnam ad Mycalen factam narrationi suae finem imposuisset, de Branchidarum fuga nulla apud eum mentio fieri potuit.

Xerxe itaque regnante, Branchidas aufugisse statuo. Sed errore quodam factum est, uti etiam templi incendium Xerxi imputaretur. Quoniam enim scriptores illi compererunt, sacerdotes sub Xerxe se in Asiam contulisse, existimaverunt, eodem tempore delubrum spoliatum et igne haustum esse. Quod tamen jam antea, regnante Dario, accidit.

Neque credibile est post cladem ad Mycalen acceptam Persarum reliquias, quae, ingenti terrore percussae, Sardis confugerunt, templum Apollinis incendisse.

Multo verisimilior Pausaniae narratio est, post Salaminiam calamitatem Xerxem fanum diripuisse. Sed de Canachi signo aëneo disputantes, postea pluribus hanc rem absolvemus.

Videmus ergo in eis, quae multorum scriptorum consensu nobis tradita sunt, haerendum non esse, neque propter Herodotum aliorum testimonia prorsus rejicienda esse.

Cum enim rerum ab Alexandro gestarum enarratores nimium orationem suam fabulis ornassent et illuminassent, jam eo venit, ut omnia, quae apud eos inventa essent, pro falsis existimarentur.

Quorum in spernenda auctoritate Clavierius justo plus progressus est.

Postea vero Milesii denuo Didymaeum templum erexerunt, sed tam amplum, ut nunquam ad finem perduceretur.¹

¹ Strabo XIV, 634. Pausan. VII, 5. 4.

Architectis usi sunt Daphnide Milesio et Paeonio, qui etiam Ephesiae Dianae fanum aedificavit. Qui qua aetate floruerit, incertum est. Nam, cum O. Müllerus¹ intra nonagesimam et centesimam olympiadem eum vixisse existimasset, Urlichsius² et Brunnius³ multo vetustiores eum censuerunt. Urlichsius enim, simulac Graecia post Mycalensem pugnam a barbaris liberata est, templum ab eo aedificatum esse arbitratur, Brunnio contra vix credible esse videtur ante victoriam ad Eurymedontem reportatam templum aedificari coeptum esse.

Neque quo tempore Pericles omnes Graecos adhortatus est, uti una cum Atheniensibus templa a Persis diruta denuo aedificarent,⁴ Didymaeum adhuc ruinis oppressum fuisse negaverim.

Et quamquam Herodotus singulos operis sui libros non uno tenore conscripsit, tamen ex verbis: „ἐν Βραγγίδῃσι· ἦν γὰρ αὐτόθι μακτῆρον ἐκ παλαιῶν ἰδρυμένον“⁵ manifesto apparet, *tum, cum* haec verba scripsit, Didymaeum adhuc fuisse vastatum.

Mihi vero Taciti verba, a multis vexata, sed nondum explicata, ad constituendam novi templi aetatem apta esse videntur.

Is enim, ubi de confirmando asylo jure egit,⁶ dicit: „neque minus Milesios Dario rege niti.“

Qui quidem Darius nullo modo Hystaspis filius esse potest. An quis credat, direpto et exciso templo regem asyli jus donasse?

Si vero putamus, Darium Nothum, Ochum quem vocant, suo patrocinio fanum juvasse, omnia bene se habent. Is enim ab anno a. Ch. 424 usque ad a. 404 regnavit. Atque, eo regnante, templum a Paeonio aedificatum et jure asyli a Persa donatum esse censeo.

Postquam vero Macedonum victoriis Persarum imperium funditus eversum est, regum beneficiis Didymaeum oraculum denuo summam fortunam et gloriam, consecutum est.

¹ Archäologie der Kunst I, 1, 109.

² Rh. Mus. 1856 pag. 9.

³ Brunn I. c. pag. 36.

⁴ Plutarch. Pericles cap. XVII.

⁵ Herodot. I, 157.

⁶ Tac. Ann. III, LXIII.

Strabo auctor est,¹ Branchidarum fontem, cum post spoliatum combustumque templum defecisset, eo tempore denuo apertum esse, quo Alexander ad Iovis Ammonii oraculum iter fecisset.

Inter omnes autem reges, qui studio et beneficiis Didymaeum deum amplexi sunt, eminent Seleucidae, Syrorum domini. Seleuco enim Nicatori, gentis auctori et regni conditori, cum adhuc in Alexandri exercitu stipendia mereret, Didymaeus deus de futura magnitudine et felicitate responsum edidit, ita vaticinans:²

Μὴ σπεῦδ' Εὐρώπην, Ἀσίτ' τοὶ πολλὸν ἀμείνων.

Etiam rex ab oraculo appellatus est. Quo nuntio militum animos, jamjam demissos, ita accendit, uti laeti cum imperatore Babylona proficiscerentur.³

Quin etiam rumores circumferebantur, matrem Seleuci, Laodicea, ex accubitu Apollinis concepisse.⁴ Quamobrem etiam Sigei in sollemni psephismati, in primi Antiochi honorem proposito, Apollinem ἀρχηγέτην τοῦ γένους αὐτοῦ vocarunt.⁵

Postquam vero rex factus est, statuum dei aëneam, a barbaris Ecbatana asportatam, sacerdotibus remisit. Propterea Pausanias periegeta summis laudibus regem piissimum ornat.⁶

Seleuci dux, Demonax, teste Plinio, etiam ultra Iaxarten fluvium Philesio deo altaria exstruxit.⁷

¹ Strabo XVII pag. 814. προστραφηδεὶ δὲ τοῦτως ὁ Καλλισθένης, ὅτι τοῦ Ἀπόλλωνος τὸ ἐν Βραγχίδαις μαντεῖον ἐκλελοιπός, ἐξ ἧτου τὸ ἱερὸν ὑπὸ τῶν Βραγχιδῶν σεσύλητο ἐπὶ Ξέρξου περσιάντων, ἐκλελοιπιάς δὲ καὶ τῆς κρήνης, τότε ἢ τε κρήνη ἀνάσχει καὶ μαντεῖα πολλὰ οἱ Μιλησίων πρέσβεις κομίσαιεν εἰς Μέμφιν περὶ τῆς ἐκ Διὸς γενέσεως τοῦ Ἀλεξάνδρου καὶ τῆς ἐσομένης περὶ Ἀρβήλα νίκης καὶ τοῦ Δαρείου θανάτου καὶ τῶν ἐν Λακεδαίμονι νεωτερισμῶν.

² Appian. Syriac. 56.

³ Diodor. XIX, 90. ἐν μὲν γὰρ Βραγχίδαις αὐτοῦ χρηστηριζομένου τὸν θεὸν προσαγορεύσαι Σέλευκον βασιλέα.

⁴ Justin. XV, 4.

⁵ Eckhel doct. n. v. III, 112.

⁶ Paus. VIII, 46, 3. Σέλευκον δὲ βασιλέων ἐν τοῖς μάλιστα πείθεται καὶ ἄλλως γενέσθαι δίκαιον καὶ πρὸς τὸ θεῖον εὐσεβῆ. τοῦτο μὲν γὰρ Σέλευκός ἐστιν ὁ Μιλησίους τὸν χαλοῦν καταπέμψας Ἀπόλλωνα εἰς Βραγχίδας, ἀνακομισθέντα εἰς Ἐκβάτανα τὰ Μηδικὰ ὑπὸ Ξέρξου.

⁷ Plinius VI, 15.

Ad nostram usque aetatem integer mansit titulus, qui litteras a regibus Seleuco et Antiocho datas continet, et amplissimorum regum munerum mentionem facit.¹

Quibus in litteris praedicant, se Didymaeo Apollini magnum aureum candelabrum, calices et vasa aurea et argentea misisse, quibus ad sacra rite perpetranda Milesii uterentur. Vasa vero, quae donantur, dicuntur κομίζοντα πολιάνθην, interprete Chishullo, unguentum ex polio factum. Sed rectius mihi Boeckhiius vocem explanasse videtur, qui censet, πολιάνθην esse suffimenta ea, quae in fine epistolae commemorantur, turis (λαβανωτῶν) decem talenta, murrae unum talentum, casiae, cinnamomi, costi binae minae.

Dein etiam commemoratur, reges in splendidissimo sacrificio duodecim erexisse altaria et mille hostias mactasse.²

Chishullus et Boeckhiius³ statuerunt, reges illos fuisse Seleucum Callinicum et Antiochum Hieracem. Sed multo melior Soldani⁴ sententia est, existimantis, reges, templi fautores, esse Seleucum Nicatorem et Antiochum Sotera. Nam Callinicus et Hierax, quamdiu una summae imperii prae fuerunt, semper sese invicem bello lacescebant. Idcirco non credibile est, conjunctos illos reges Didymaeo deo dona dedicasse. Antiochus vero, Seleuci Nicatoris filius, qui Stratoniceum novercam perdit amaverat et ob eam causam gravi morbo implicitus erat, a patre impetravit, uti novercam in matrimonium duceret. Qua re perpetrata, superio-

¹ C. J. G. 2852. Βασιλεὺς Σέλευκος Μιλησίῳ τῇ βουλῇ καὶ τῷ δήμῳ χαίρειν. ἀπεσταλκαμεν εἰς τὸ ἱερὸν τοῦ Ἀπόλλωνος τοῦ ἐν Διδύμοις τήν τε λυχνίαν τὴν μεγάλην καὶ ποτήρια χρυσᾶ καὶ ἀργυρᾶ εἰς ἀνάθεσιν τοῖς θεοῖς τοῖς Σωτήρσι, κομίζοντα πολιάνθην, ἐπιγραφὰς ἔχοντα. ὑμεῖς οὖν, ὅταν παραγίνηται, λαβόντες αὐτὰ ἀγαθῇ τύχῃ ἀπόδοτε εἰς τὸ ἱερὸν, ἵνα ἔχητε σπένδειν καὶ χρᾶσθαι, ὑγαινόντων ἡμῶν καὶ εὐτυχοῦντων καὶ τῆς πόλεως διαμενοῦσης ὡς ἐγὼ βούλομαι καὶ ὑμεῖς, εἰς 2 ἔχετε ἀπεσταλμένην τῆδε πολιάνθην καὶ τὴν ἀνάθεσιν ποιούμενοι τῶν ἀπεσταλμένων συντελέσατε τὴν θυσίαν, ἣν συντετάχαμεν αὐτοῖς. συνεπιμελήθητε οὖν, ἵνα γένηται κατὰ τρόπον. τῶν δὲ ἀπεσταλμένων χρυσομαμάτων καὶ ἀργυρομαμάτων εἰς τὸ ἱερὸν ὑπογέγραφα ὑμῖν τὴν γραφήν, ἵνα εἰδῆτε καὶ τὰ γένη καὶ τὸν σταθμὸν ἑκάστου· ἐρῶσθε. Enumerantur singula dona, quibus regum liberalitas Milesios largita est.

² προστήγαγεν δὲ καὶ θυσίαν τῷ θεῷ ἱερεῖα χίλια καὶ βωμοὺς δώδεκα.

³ Boeckh. ad. C. J. G. 2852.

⁴ Zeitschrift für Alterthumswissenschaft pag. 575.

rum Asiae provinciarum rex factus est.¹ Itaque bene et Seleucus et filius in titulo nostro βασιλεῖς nominantur.

Etiam nummi Milesiorum effigie regis Antiochi signati sunt,² et filius ejus, Antiochus II primus ab eis deus nuncupatus est, quoniam a Timarcho tyranno eorum urbem liberaverat.³

Atque in titulo, a Boeckhio jure Didymis vindicato, donum „ἀντίθημα“ Stratonices reginae commemoratur.⁴

Nec minus Ptolemaei oraculo benevolentiam praestabant. Ex titulo⁵ enim, qui prophetarum catalogum continet, certiores sumus, Sopolidis filium, prophetam, Alexandriam profectum, a rege Ptolemaeo fores eburneas ad exornandum templum accepisse.

Etiam Bithyniae reges sano amplissima dona consecrarunt.

Prusias enim venator, postquam Pergamum urbem diripuit a. Ch. 156, magnam urnam, phialam et calices duos, quos Prusias vocant, primitias Didymaeo Apollini misit.⁶

Praeterea Camasarye regina, fortasse Prusiae uxor, templo dona misit.⁷ Atque de Nicomede Epiphane, Prusiae filio, qui patri in regno successit, Scymnus⁸ haec dixit:

¹ Plutarch. Demetr. 38. Lucian. de Syria dea. 18.

² Eckhel D. N. III pag. 216.

³ Appian. Syriac. 65.

⁴ C. J. G. 2860.

⁵ C. T. Newton a history of discoveries at Halicarnassus, Cnidus and Branchidae. London. Day and son. 1863. vol. II part. II pag. 775 u. 776.

Qui quidem titulus a Newtonio ita restitutus est: πρεσβεύσας] δὲ καὶ εἰς Ἀλεξανδρίαν τὴν πρὸς [βασιλισσαν Κλεοπάτραν καὶ πρὸς βασιλέα Πτολεμαῖον βασιλέως [Πτολεμαίου] θεοῦ νέου Διονύσου. . . .

Sed verba εἰς Ἀλεξανδρίαν τὴν πρὸς βασιλισσαν Κλεοπάτραν recta esse nequeunt. Legendum est: εἰς Ἀλεξανδρίαν τὴν πρὸς Αἰγύπτῳ collatis Marini verbis (vita Procli 8, 1 pag. 16.) ἐπ' ὀλίγον δὲ ἐν Λυκίᾳ φοιτήσας γραμματικῷ, ἀπῆρεν εἰς τὴν πρὸς Αἰγύπτῳ Ἀλεξανδρείαν.

⁶ C. J. G. 2855. φάλη Ἀπόλλωνος Διόρμεως ἐκ τῆς ἀποσταλείσης ἀπαρχῆς ὑπὸ βασιλέως Προυσίου, ὁλκήν ἄγουσα Ἀλεξανδρείας τρακοσίας . . . βασιλέως Προυσίου Προυσιᾶδες δύο, ὁλκήν ἄγουσαι ἡ μὲν Ἀλεξανδρείας ὀκτακοσίας καὶ δέκα, ἡ δὲ ὀκτακοσίας τριάνκοντα ἑξ.

⁷ βασιλίσσης Καμασαρύτης . . . χρυσοῦς ὁλκήν ἄγων χρυσοῦς ἑκατὸν ὀγδοήκοντα ἐπτὰ ἡμίχρυσον. C. J. G. 2855. (cfr. etiam adnotationes Boeckhii).

⁸ Anonymi (v. Scymni) orbis descriptio v. 55—60. — C. Müller Geogr. minor. I pag. 197.

Δὲ τῇ προθέσει σύμβουλόν ἐξελεξάμεν
τὸν συγκατορθήσαντα καὶ τῷ σοῦ πατρὶ
τὰ τῆς βασιλείας πρότερον, ὥς ἀκούομεν
παρὰ σοὶ τε, βασιλεῦ, γνησίως τιμώμενον
κατὰ πάντα, τὸν Ἀπόλλωνα τὸν Διῶμῃ λέγω,
τὸν καὶ θεμιστεύοντα καὶ μωστηγέτην.

Neque coloniarum splendidissima, Cyzicus, urbis patriae delubrum neglexit, sed, uti Syriae et Bithyniae reges largitionibus opulenti ornavit.¹ Eodemmodo Asopis, Milesiorum tribus, deo canistrum obtulit.²

Iam ad tantum honoris et potentiae fastigium Branchidarum oraculum evectum est, uti quotannis ad celebranda magna Didymaea legati undique convenirent, qui urbium dona deo offerrent.

In titulo igitur, ejus jam supra mentionem fecimus, singulae enumerantur theoriae, quae sub ductu architheori ejusdam urbium suarum dona Didymaeo templo intulerunt. Commemorantur enim dona Ephesiorum, regis Ptolemaei et Alexandrinorum, Pisierati Rhodii, Rhodiorum, ... aris Macedonis, Stratonices reginae, Trallianorum et iterum regis Ptolemaei. Qui etiam, cum cantorum chorus phialam Apollini prae buisset, ipse sumptus fecit.³

Milesiorum urbs — nescimus quo tempore — a Romanis [fortasse a Sulla?] instituendorum comitiorum jure privata est, neque legibus, quae a patribus traditae erant, uti civibus licebat. Sed idem propheta, ejus jam antea mentionem fecimus, filius Sopolidis, Romam profectus, a senatu impetravit, ut pristinus reipublicae status restitueretur.⁴

Sub idem fere tempus templum ditissimum, sicuti Epidau-

¹ C. J. G. 2855. Κυζικηνῶν φιάλη ἡλικὴν ἄγουσα Ἀλεξανδρείας ἑκατόν
C. J. G. 2858. Κυζικηνῶν φιάλη ἐφ' ἣς ἐπιγραφὴ, ἡλικὴ Ἀλεξανδρείαι ἑκατόν.

² καλῶν φυλῆς τῆς Ἀσωπίδος (B. Ἀσωπίδος) ἡλικὴν ἄγον Ἀλεξανδρείας
πεντακοσίας. C. J. G. 2855.

³ C. J. G. 2860.

⁴ πρεσβεύσας δὲ καὶ εἰς Ῥώ[μην καὶ] καταστήσας τήν τε πρό[τερον]
ἐκκλησίαν τῷ δῆμῳ καὶ τοῖς νόμοις. Newton Discoveries Vol. II, Part. II
pag. 775. Nr. 60.

rium, Clarium, Samothracium, alia permulta, a praedonibus direptum est.¹

Ad quam Didymaei delubri calamitatem alludere videtur Arnobius, ita referens:²

Ubi denique Apollo divinus, cum a piratis maritimisque praedonibus et spoliatus ita est et incensus, ut ex tot auri ponderibus, quae infinita congesserant saecula, nec unum quidem habuerit scrupulum, quod hirundinibus hospites (Varro ut dicit in Menippeis) ostenderet?

Romani vero eximio honore Milesiorum deum prosecuti sunt. Nam, teste Ulpiano, in eorum deorum fuit numero, quos senatusconsultis constitutionibusve principum heredes instituere concessum erat.³

Caligula imperator vastum dei templum, antea inceptum, ad finem perducere conatus est;⁴ quamobrem etiam Milesii Drusillae divinos honores attribuerunt.⁵

Regnante vero Hadriano, Qu. Iulius Balbus, proconsul, Caesaris jussu, dedicationem Didymaeo deo fecit, atque opus ipsum L. Passerius Romulus,⁶ legatus pro praetore curavit. Nec minus Commodus fani fautoribus adnumerandus est. Certe enim non sine caussa factum est, uti posteriore tempore magni ludi Didymei Διδύμεια Κομμόδια nuncuparentur.⁷

¹ Plut. Pomp. XXIV.

² Arnobius adv. gentes VI pag. 245 ed. Elmenhorst.

³ Ulpian. frgm. XXII, 6. Huschke pag. 483. Deos heredes instituere non possumus praeter eos, quos senatusconsultis constitutionibusve principum instituere concessum est, sicuti Jovem Tarpejum, Apollinem Didymaeum Miletii, Martem in Gallia, Minervam Iliensem, Herculem Gaditanum, Dianam Efesiam, Matrem deorum Sipylenem, quae Smyrnae colitur et caelestem Selenen, deam Carthaginis.

⁴ Sueton. Calig. XXI Dio Cassius 59, 28.

⁵ Eckhel D. N. Vol. II, 531.

⁶ C. J. G. 2870. ἀναπληρωθέντων πάντων ἐνεχείρησεν, ἐτέλεσεν, καθιέρωσεν διὰ Κοίντου Ἰουλίου Βάλβου ἀνθυπάτου, ἐπιμεληθέντος Λουκίου Πασσέρου Ῥωμόλου πρεσβευτοῦ καὶ ἀντιστρατηγοῦ. (Quae sequuntur apud Boekhium, cum antecedentibus non cohaerent).

⁷ C. J. G. 2882 [ἀγωνοθῆ] της τῶν μεγάλων Διδυμείων [Κομ]μοδίων C. J. G. 2885 C. παν(τηγυρ)ιάρχ(ου Διδυμ)είων Κομμο(ς)εί(ων).

Caracalla denique imperator per Iulium Quintinianum deo donum misit eo tempore, quo P. Egnatius Victor Lollianus iterum proconsulatu fungebatur.¹

Usque ad ultimam Graecae religionis aetatem Didymaeum oraculum magna fruebatur auctoritate. Ita Apollonium Tyaneum divino spiritu tactum esse, affirmarunt sacerdotes.²

Alexander contra Abonotichites, oraculum petentes et Clarum et Mallum et Branchidas misit. Quibus autem suasit, ut Didymaeum deum consulerent, hunc versum dixit:

Βραχίδεων ἀδούτοις πελάζουσιν καὶ κλέει χρησμένων.³

Licinius imperator, cum Constantino pugnaturus, ex adyto hoc retulit responsum:

ὦ γέρον, ἡ μάλα δὴ σε νέοι τείρουσι μαχήται
σὴ δὲ βίη λέλυται χαλεπὸν δὲ σε γῆρας ἐπάξει.⁴

At Eusebius Pamphili auctor est, suo tempore theologos et sacerdotes nonnullos, postquam a iudiciis Romanis tormentis quaesiti sunt, fallacia sua praestigiasque confessos esse. Quorum in numero et alii Christianis inimicissimi et Milesius propheta

¹ Lebas *Asie Mineure* Nr. 232. τοῦ λαμπροτάτου ὑπατικοῦ Ἰουλίου Κωνσταντιανοῦ ἐκ φιλοδωρίας τοῦ Σεβαστοῦ ἐπὶ ἀνθυπάτου τὸ β' Ἐγνατίου Λολιανοῦ cum nota Waddingtoni. Cum enim sub Septimio Severo Lollianus in Pannonia legatus fuisset, probabile est, proconsulatu cum sub Caracalla functum esse.

² Philostrat. vit. Apollon. IV, 1 ed. Kayser λόγοι τε περὶ αὐτοῦ ἐφοίτων οἱ μὲν ἐκ τοῦ Κολοφῶνα μαντείου κοινωνῶν τῆς ἑαυτοῦ σοφίας καὶ ἀτεχνῶς σοφῶν καὶ τὰ τοιαῦτα τὸν ἄνδρα ἄδοντες, οἱ δὲ ἐκ Διούμων, οἱ δὲ ἐκ τοῦ περὶ Περγᾶμον ἱεροῦ.

³ Lucian. Alexander cap. XXIX.

⁴ Sozomen. hist. eccles. I, 7 pag. 408. τοῦ προσδοκωμένου πόλεμου πρόνοιαν ἐποιεῖτο διὰ τε σφαγίων καὶ μαντείων, καὶ ὑπαχθείς τιαν ὑπισχνόμενος αὐτῷ κρατήσιν, εἰς Ἑλληνησμὸν ἐτρέπη· ἀμέλει τοίνυν καὶ Ἕλληγνές φανεν αὐτὸν τότε πειρασθῆναι τοῦ ἐν Μιλήτῃ μαντείου τοῦ Διδομαίου Ἀπόλλωνος. ἐρομένου δὲ αὐτῷ περὶ τοῦ πολέμου χρήσαι τὸ θαμνόνων τουτουσί τοὺς Ὀμηρικῶς στίχους (Ilias 8, 100) ὦ γέρον κτλ.

philosophusque fuere.¹ Cum titulus apud Lebasium Philidam, prophetam et Epicureum philosophum commemoret, non est cur offendamus in philosophanti Branchidarum propheta.

Novissimus vero, qui venerabundus Apollinis fanum adiit, Iulianus imperator fuit. Is enim se sorte Didymaei fani prophetam² creatum esse praedicat, atque sacella, quae christiani prope Apollinis fanum in martyrum honorem extruxerunt, funditus deleri iussit.³ Atque ex titulo apparet, imperatorem per aliquod tempus in Milesiorum agro commoratum esse.⁴

Iuliano vero defuncto, templum a Christianis, uti Eleusinium adytum, Serapeum, alia fana, devastatum ac profanatum esse videtur.

§ 3.

De Didymaeis deis eorumque cultu.

Postquam Branchidarum historiam inde ab originibus usque ad ultima saecula tractavimus, nunc ad deos ipsos eorumque cultum transeundum est.

In Milesiorum agro prope Posideum promontorium Branchidarum oppidum situm est. Abest a Milesiorum urbe CLXXX stadia, et a mari secundum Strabonem⁵ octodecim, secundum

¹ Euseb. Pamph. praepar. evang. IV, 2, 11—13 ed. Heinichen . . . ἡδὴ καὶ τὸν ἄγαν θεοφόρον, αὐτῶν δὲ τῶν μάλιστα ἱεροφαντῶν, θεολόγων τε αὐτοῖς καὶ προφητῶν πλείους οὐ μόνον πάλαι ἀλλὰ καὶ ἑναγγος καθ' ἡμᾶς αὐτοῖς ἐπὶ τῇ θεοσοφίᾳ ταύτῃ βοηθέντες, διάβρασάνων αἰχίας ἐπὶ τῶν Ῥωμαίων δικαστηρίων, τὴν πᾶσαν ἐξεφώνησαν πλάνην ἀνθρώπων ἀπάταις γίνεσθαι, καὶ γοητεῖαν τε τεχνασμένην τὸ πᾶν εἶναι ὁμολογήσαντες . . . οἱ μὲν γὰρ αὐτοῖς ἀπὸ τῆς θαυμαστῆς ταύτης καὶ γενναίας φιλοσοφίας ὠρμῶντο, τῶν ἄμφι τὸν τρίβωνα καὶ τὴν ἄλλην ὁφρῶν ἀνεσπακούων, οἱ δὲ ἀπὸ τῶν ἐντέλει τῆς Ἀντισχέων ἡλίσκοντο πόλεως, οἱ δὲ μάλιστα καὶ ἐπὶ ταῖς καθ' ἡμᾶς διωγμῶν λαμπρυνόμενοι. Ἰσμεν δὲ καὶ τὸν φιλόσοφον ὁμοῦ καὶ προφητὴν τὰ ὅμοια τοῖς εἰρημένους κατὰ τὴν Μιλήτον ὑπομείναντα.

² Julian. ep. LXII pag. 129 ed. Heiler Ἐλαχον δὲ νῦν καὶ τοῦ Διδυμαίου προφητεῖαν.

³ Sozomenus hist. eccles. V, 20.

⁴ Lebas As. min. Nr. 234. Φλ. Κλ. Αὐτοκρ(άτωρ) Ἰουλιανὸς Αὐγουστος ἀπὸ τῆς π(όλεως) μιλί(α) δ'.

⁵ Strabo XIV pag. 634.

Plinium¹ viginti stadia. Nostro tempore in loco qui splendore templorum et frequentia peregrinantium antiquitus celebrabatur, arborum varia genera progerminant ac pullulant.² Neque tamen templi praeseepisque vestigia omnino deleta sunt. Sed antiquorum lucorum locus mastiche, virgultis atque dunetis obrutus est, et villici vicini agros sacros tritico conseverunt, quod jam a veteribus celebratur. Orpheus³ enim, quem vocant, Branchi campum, tritico ditissimum commemorat.

Locus ipse vel Branchidae a sacerdotibus, vel Didymi,⁴ Didyma, Didymaeum a deis nominabatur.

Sed qui sunt illi Didymi? Welckerus⁵ multis argumentis demonstrare conatus est, διδύμους esse Latonae geminos, Apollinem et Dianam. Verumtamen quae loco citato docte disputavit, non ex sententia veterum disputata sunt. Etenim Stephanus Byzantinus,⁶ Didyma esse locum et oraculum Miletī, *Iovī et Apollinī consecratum*, memoriae prodidit. Callimachus autem, poëta rerum sacrarum peritissimus, in carmine quod inscribitur Βράγχος, ita Didymaeos invocat deos:⁷

Δαίμονες εὐμνήτατοι, Φοῖβέ τε καὶ Ζεῦ, Διδύμων γενέσθαι.

Quibus veterum testimoniis nisus, Iovem et Apollinem deos Didymaeos vocitatos esse censeo. Nonnulli quidem,⁸ qua ex caussa Iupiter a Callimacho invocatus sit, ita explicare studuerunt, ut Aeschylī versus afferrent:

¹ Plinius N. h. V, 29.

² Ionian antiquities, published with permission of the society of Dilettanti. London 1769. pag. 45 sq.

³ Argonaut. v. 150. ἦλθε δ' Ἐργῆνος Βράγχου πόλεσιν ἄρουράν ἐκ προλιπών.

⁴ ἐς Διδύμους Paus. VII, 2, 6.

⁵ F. G. Welcker Griechische Götterlehre I, 527.

⁶ Stephan. Byz. s. v. Διδύμα· τόπος καὶ μαντεῖον Μιλήτου, ἀφιερωμένον Δεῦ καὶ Ἀπόλλωνι.

⁷ Hephaestion de metris ed. Gaisford pag. 53. Etymol. magnum ed. Gaisford s. v. Διδύμας. Bergk Anthologia Lyrica 1868 pag. 162 fragm. Callimachi Nr. 189.

⁸ Soldan Zeitschrift für Alterthumswissenschaft 1841 pag. 563.

Διὸς προφῆτης δ' ἐστὶ Λοξίας πατὴρ.¹

Στέλλειν ὅπως τάχιστα· ταῦτα γὰρ πατὴρ
Ζεὺς ἐγκαθίει Λοξία θεσπίσματα.²

Sed hanc sententiam jam Hoeckius³ refutavit. Cui in hac una re assentire nequeo, quod Iovis cultum antiquiorem, quam Apollinis esse statuit, cum Apollo Ionum deus sit. Verisimile enim est, jam antiquis temporibus Graecorum gentes Lydiae Cariaeque litora inhabitasse.

Ineptas denique etymologias, quas veterum nonnulli de voce, quae est *Διδυμῖος* protulerunt, silentio praeterire mihi liceat.⁴

Recte Plinius de Branchidarum oppido locutus est. Etenim, etsi praeter sacerdotes et aedituos nemo Didymis inhabitasse videtur, tanta tamen fuit templorum abundantia, ut bene oppidi nomine Branchidae ornarentur. Strabo enim refert,⁵ murum, qui delubrum circumdabat, vici totius habitationes excepsisse, atque intra et extra murum lucos esse amoenos; praeterea etiam alia esse fana et sacella et Phileii dei oraculum.

Templa vero, quorum apud Branchidas mentio fit, haec sunt:

1. Apollinis maximum delubrum.
2. sedes oraculi, quam Strabo apertis verbis ab Apollinis templo distinguit. Eodemmodo etiam Herodotus⁶ templum ab oraculo discernit „ὁ νηὸς τε καὶ τὸ χρηστήριον“ et Conon⁷ „Βράγχος προὔστηται τοῦ ἱεροῦ καὶ τοῦ μαντείου.“
3. templum Dianae Pythiae.
4. Cabirorum fanum.

Sed nunc de singulis Branchidarum deis eorumque sacerdotibus agere nobis liceat. Iovis fanum nusquam commemoratur.

¹ Aesch. Eumenid. v. 19.

² Aesch. frgm. ex tragoedia quae inscribitur *ἱερεῖς*, servatum a Macrobio Saturn. V, 22.

³ Hoeck Kreta II pag. 322.

⁴ Lucian. de astrolog. 23. Macrobi. Sat. I, 17.

⁵ Strabo XIV pag. 634. Κώμη· γούν καταχίαν ὁ τοῦ σηκοῦ περιβόλος δέδεκται καὶ ἄλλος ἐντός τε καὶ ἐκτός πολυτελής· ἄλλοι δὲ σηκοὶ τὸ μαντεῖον καὶ τὸ ἱερὸν συνέχουσιν.

⁶ Herodotus VI, 19.

⁷ Conon narrat. 44. apud Photium patr. cod. 186.

Et cum ipse et Apollo, διδύμων nomine ornati, aretissime inter se cohaereant, valde probabile est, cellam quandam in magno Apollinis delubro Iovi patri, sicuti Erechtheo sacellum in Minervae Poliadis templo, consecratum fuisse.

Θεοὺς igitur συνίζους eos fuisse existimo. Unus modo exstat locus, quo de Iovis Didymaei sacris agitur. Affertur enim ab Athenaeo¹ ex Nicandri, Clarii sacerdotis, primo rerum Aetolicarum libro, hederæ foliis libamenta Iovi patri data esse.

Nunc vero ad Apollinis splendidissimum cultum nos convertamus. Iam antea Strabonis² locum attulimus, qui memoriae prodidit, Milesios Branchidarum fanum, a Persis incensum, de integro condere coepisse. Aedificandi autem descriptio tanta fuit, ut numquam ad finem perduceretur.³

Templum magnificentissimum διπτέρων δεκατύλων ordini ascribendum est.⁴

At Christiani et Mahomedani in destruendo Branchidarum sacro summum studium collocarunt. Chandlerus enim memoriae prodidit,⁵ christianam ecclesiam, jam suo tempore devastatam, ex aedis Graecae columnis lapidibusque aedificatam esse, et Mahomedanos vicinos templo lautumiae loco usos esse, ita ut ex pristina magnificentia quatuor modo columnae incolumes remanserint, quas Whelerus quidem vidit. Chandleri autem aetate duae jam corruerunt, ita ut et in Ionicis antiquitatibus et in graphico itineralio, quod illustrissimus comes de Choiseul⁶ conscripsit, duae modo columnae delineatae sint.

In templo signum Apollinis fuit aëneum excelsa magnitudine, quod diligenter a Plinio descriptum est.⁷

¹ Athenaeus XI pag. 477 B. ἐν τῇ ἱεροποιᾷ τοῦ Διδυμαίου Διὸς κισσοῦ σπονδοποιέονται, ὅθεν τὰ ἀρχαῖα ἐκπόματα κισσούβρια φωνέεται.

² Strabo XIV, pag. 634.

³ Pausanias VII, 5, 4 ὁὗο δὲ οὐκ ἐξειργασμένα (scil. ἱερά) Ἀπόλλωνος, τό τε ἐν Βραγχίδαϊς τῆς Μιλησίας καὶ ἐν Κλάρι τῇ Κολοφωνίων.

⁴ O. Müller Archäologie der Kunst pag. 97.

⁵ Ionian Antiquities I, pag. 45, 46.

⁶ M. le comte de Choiseul-Gouffier voyage pittoresque de la Grèce Tom. I. Paris 1782.

⁷ Plinius N. H. XXXIV, 19 § 75.



„Canachus Apollinem nudum, qui Philesius cognominatur, in Didymaeo, Aeginetica aeris temperatura fecit, cervinumque una ita vestigiis suspendit, ut linum subter pedes trahatur, alterno morsu digitis caecaeque retinentibus solum, ita vertebrato dente, utrisque in partibus, ut a repulso per vires resiliat.“

Odofredus Müllerus¹ praeclare demonstravit, exempla quaedam illius statucae usque ad nostram aetatem pervenisse. Nam Apollinis nonnulla signa, prisco veterum artificum more ficta, Apollinis imagini simillima sunt, qua Milesii nummos suos signaverunt, atque a probabilitate non recedit, in nummis illis ipsam Philesii Apollinis effigiem, a Canacho fictam, esse expressam. Verum, ne quae Muellerus optime disseruit, denuo repetam, hoc loco subsistam.

Praeter Plinium etiam Pausanias Apollinis Didymaei simulacrum commemorat. In libro octavo² refert, Xerxen Milesiis, quod illi de industria navali contra Athenienses in Graecia praefectus commisso, infeliciter pugnassent, aëneum, qui Branchidis fuerat, Apollinem ademisse, multis vero annis post Seleucum Milesiis remisisse.

Similiter in primo libro³ summis laudibus effert Seleucum, piissimum regem, qui Apollinem a barbaris Ecbatana in Medorum terram transportatum, sacerdotibus remisit. Atque de Ismenio Thebanorum Apolline disputans,⁴ qui sicuti Philesius a Canacho fictus est, nil inter se differre duas illas statuas affirmat, nisi quod Thebanus cedrinus, Milesius contra aëneus sit.

Sed cum de tempore, quo vixit Canachus artifex, antea nil pro certo constaret, Thierschius⁵ primus probavit, duos distinguendos esse Canachos, quorum alter circa Olympiadem XCV, alter vero multo ante eam Olympiadem floruerit.

Verumtamen miror, Soldanum,⁶ qui et O. Muellerum et

¹ O. Müller kleine Schriften II pag. 542 (c. not. 1) pag. 543 (c. not. 3 et 4) pag. 544 (c. not. 1 et 2).

² Pausan. VIII, 46, 3.

³ Pausan. I, XVI, 3.

⁴ Pausan. IX, 10, 2.

⁵ Thiersch Epochen pag. 142 ff.

⁶ Zeitschrift für Alterthumswissenschaft pag. 549.

Thierschium commemoravit, aëneam Apollinis statuam a Canacho, Polycleti discipulo, fictam esse censere. Nam quomodo Xerxes vel Darius simulacrum subducere potuit, quod ab artifice, his regibus aetate minore, fictum est? Quam statuam, quominus aliam fuisse putemus, prohibent veterum testimonia, quae dilucide probant, Apollinem aënum, Canachi opus, et simulacrum a Persarum rege abreptum, unum idemque esse.

Si vero de tempore, quo illa statua ficta sit, nobis agendum est, Soldani¹ et Urlichsii² sententiam missam faciam, qui jam a Dario rege abreptum Apollinem esse statuunt. Nam in eis, quae antecedunt, probasse mihi videor, narrationem de Branchidarum fuga non fabulae instar abjiciendam esse.

Nulla ergo caussa est, cur repudiatis veterum luculentis testimoniis, a Xerxe simulacrum subductum esse negemus.

Itaque ante pugnam Salaminiam simulacrum a Canacho fictum esse necesse est. Sed nil aliud certis argumentis enucleari posse bene monuit Overbeckius.³

Nam utrum multis annis ante Darium an post urbis templeque incendium statua ficta sit, dijudicare non possumus.

Thierschius vero, qui florentissimis Milesiorum rebus multis ante Ionum seditionem annis fictam esse dei imaginem censuit, sub divo colossum fuisse arbitratus est.⁴ Sed consentiente Urlichsio hanc Thierschii sententiam refutavit Brunnius, qui ipsius templi simulacrum a Canacho factum esse censet. Neque tamen ei concedendum est statuam, postquam delubrum a Dario incensum et devastatum est, a Thebanis Philesio deo dono missam esse.⁵

Cur fieri non potuit, ut a sacerdotibus simulacrum, jam antea fictum, in hoc rerum discrimine servaretur?⁶

¹ Zeitschrift für Alterthumswissenschaft pag. 574.

² Rhein. Mus. 1856. pag. 8.

³ Bericht der sächs. Gesellsch. der Wissensch. 1868 I pag. 73.

⁴ Epochen der bildenden Kunst pag. 133.

⁵ Brunn die Kunst bei Homer pag. 33.

⁶ Etiam Overbeckius ante urbis excidium fictum esse Apollinem censet (l. c. pag. 75).

Verum ne in plane incertis longius aequo commorer, hic subsistam.

Nemo jam dubitabit, quin tantae auctoritatis sanum magna sacerdotum caterva frequentatum fuerit. Quorum in numero principem locum obtinuit ὁ στεφανηφόρος, cujus in titulis saepissime mentio fit.¹

Sed fortasse quispiam dixerit, non recte pro sacerdote haberi illum στεφανηφόρον. Etenim fere in omnibus Cariae urbibus, Mylasis,² Stratoniceae,³ Aphrodisiade,⁴ Iasi,⁵ Halicarnassi⁶ stephanephori magistratum munere funguntur, et „ἄρχοντες ἐπώνυμοι“ sunt. Accedit, quod fere omnibus titulis Milesiacis stephanephori nomen tamquam summi magistratus ascriptum est.

Verumtamen in contrariam partem haec dicenda sunt. Primum enim summus apud Milesios magistratus, teste Aristotele,⁷ prytanis nuncupatur. Atque in titulis⁸ commemoratur ὁ ἀρχιπρύτανις.

Dein nusquam, nisi in sacris titulis, qui ad templum Didymaeum sacerdotesque spectant, stephanephori mentio fit. Itaque quemadmodum in Acarnanum titulis praeter civilem eponymum etiam sacer commemoratur, ὁ ἱεράπολος,⁹ qui vocatur, et sicuti Oropi eponymus civilis ὁ ἄρχων, sacer autem ὁ τοῦ Ἀμφιαράου ἱερεὺς¹⁰ fuit, ita etiam Branchidarum sacrum eponymum stephanephorum fuisse censeo. Ideo ejus nomen in sacrorum titulorum initio exstat. Quamobrem etiam legimus, festos Apollinis dies celebratos esse ex decreto praetorum et stephanephorum,¹¹ uti civiles et sacri magistratus una id navarent. Tum vero in titulo

¹ C. J. G. 2852. 2853. 2855 etc.

² C. J. G. 2693 c. 2693 e. etc.

³ C. J. G. 2715.

⁴ C. J. G. 2766.

⁵ C. J. G. 2673. 2674. 2675. 2677 etc.

⁶ Newton Discoveries II, 2 pag. 703 Nr. 12 a.

⁷ Aristot. Polit. VIII, pag. 203, 16 ed. Bekker.

⁸ C. J. G. 2881 et 2878.

⁹ C. J. G. 1793.

¹⁰ Rhangab. antiqu. hellén. Nr. 679.

¹¹ Lebas voy. archéol. Inser. Nr. 222.

quodam nominatur στεφανηφόρος τοῦ θεοῦ. Quo ex nomine manifesto apparet, Apollinis eum sacerdotem fuisse. Denique etiam aliis in urbibus στεφανηφόροι inveniuntur, qui sacerdotum munere functi sunt. Ita apud Tarsenses stephanephorus Herculis sacerdotio ornatus fuit.¹

Pari modo Magnesiae stephanephorus Minervae sacerdos fuit.²

Videmus igitur stephanephorum apud Branchidas templi Apollinis antistitem fuisse.

Secundum deinde locum propheta obtinuit. Quamquam non ipse vaticinatur, tamen vaticinia interpretatur, χρησμοφιδῶν ἐξηγητής ἐστι. Proprius vero poëta, qui oracula versu inclusit, nusquam commemoratur. Nam false a Soldano³ et Wolfio⁴ titulus quidam explicatus est. Ibi enim invenimus:⁵ προφητεύοντος δὲ Ἀντιπάτρου τοῦ Μενεστράτου, κατὰ ποίησιν δὲ Μενάνδρου τοῦ Μαίωνος. „κατὰ ποίησιν“ significat καθ' ὁμοθεσίαν. Menander igitur non versus pepigit, sed Antipatrum adoptavit.⁶

Oracula vero ipsa, uti Delphis Pythia et Dodonae ἡ Πελεῖαδ, Didymis femina fatidica edidit. Cuius quamvis neque bonae actatis scriptores neque tituli mentionem faciant, tamen nulla caussa est, cur Origeni⁷ et Iamblichō⁸ diffidamus, quorum alter cum

¹ Athenaeus V pag. 215 b. καὶ Ταρσοῦ Λυσίας ἐτυράννησε, ὅς ὑπὸ τῆς πατρίδος στεφανηφόρος αἰρεθεῖς, τοῦτ' ἐστὶν ἱερὸς Ἑρακλέους, οὐκ ἀπέθετο τὴν ἀρχήν.

² Athen. XII pag. 533 d et e. Πόσις δ' ἐν τρίτῳ Μαγνητικῶν τὸν Θεμιστοκλέα φησὶν ἐν Μαγνησίᾳ τὴν στεφανηφόρον ἀρχὴν ἀναλαμβάνοντα, θῆσαι τῇ Ἀθηνᾷ καὶ τὴν ἐορτὴν Παναθήναια ὀνομάσαι.

³ Zeitschrift für Alterthumswissenschaft 1841 pag. 577.

⁴ Wolff de nov. orac. aetat. pag. 11.

⁵ C. J. G. 2855.

⁶ Boekhius annot. ad C. J. G. 2880.

⁷ Origenes ctr. Celsum I, 70 pag. 130 ed. Lommatzsch. λελέξεται γὰρ πρὸς αὐτὸν, ὅτι χρῆται ὁ πεπιστευμένος παρ' Ἑλλήνων ἐνταὶ θεός, ὁ Πύθιος, καὶ ὁ Διόνυμος τοιαύτης φωνῇ τῇ τῆς Πυθίας ἢ τῆς ἐν Μιλήτῳ γενομένης προφήτιδος.

⁸ Iamblichus de myst. pag. 127 ed. Parthey καὶ μὴν ἦγε ἐν Βραχυδαίαις γυνὴ χρησμοφιδῶς, εἴτε ῥάβδον ἔχουσα τὴν πρῶτως ὑπὸ θεοῦ τινος παραδοθεῖσαν, πληροῦται τῆς θείας αὐγῆς, εἴτε ἐπὶ ἀζωνος καυτημένη, προλέγει τὸ μέλλον, εἴτε τοὺς πόδας ἢ κράσπεδόν τι τέγγουσα τῷ ὕδατι, ἢ ἐκ τοῦ ὕδατος
Gelzer, de Branchidiis.

Pythia Milesiorum prophetidem comparat, alter autem accuratissime vaticinandi apud Branchidas ritus et caerimonias descripsit.

Is vero refert, feminam fatidicam, sive virgam manu tenentem, a deorum aliquo traditam, sive in axe sedentem, sive pedes aut limbum in aqua tingentem, sive ex aqua vaporem haurientem, deum suscepisse et futura cecinisse.

Sed multis demum caerimoniis, lavacris, jejuniis per triduum servato, recessu in adytum prophetidem eo pervenisse affirmat, uti parato animo deum susciperet.

Prophetis igitur, uti Clarius vates, ὁδρομάντων ordini adnumeranda est. Ex aqua enim vaticinabatur.

Sed multo majore auctoritate propheta fructus est, qui inter Didymaeos sacerdotes insignem locum obtinuit.

Cum ergo summa ejus dignitas esset, non ex omni populo, sed ex certis quibusdam sacerdotum familiis eligebatur.

Quamobrem Menander propheta sese ἔχγονον ἀρχιερέων, στεφανιφόρων, προφητῶν esse praedicat¹ et pariter T. Flavius Andreas sese ex stephanephororum et prophetarum gente prognatum dicit.²

Eodemmodo Laginensis sacerdos, Aelius Neon, cum magna gravitate enuntiat, se et uxorem esse ἱερεῖς ἐξ ἱερέων,³ et Ulpia Euodia Mudiane, Dianae Ephesiae sacerdos, ex sacerdotum et 'κοσμητιφῶν', gente procreata est.⁴

Itaque in titulis saepe eadem nomina inveniuntur. Commemoratur Damas quidam propheta,⁵ in alio vero Damae filius;⁶

ἀτμιζομένη, δέχεται τὸν θεόν . . . Ἀγλοῖ δὲ καὶ τὸ τῶν θυσιαῶν πλῆθος καὶ ὁ θεσμός τῆς ὁλης ἀγιοτείας καὶ ὅσα ἄλλα ὁρᾶται πρὸς τῆς χρησιμῶδους θεοπροπειῶς, τὰ τε λουτρὰ τῆς προφητείας καὶ ἡ τῶν τριῶν ἔλων ἡμερῶν αἰτεία, καὶ ἡ ἐν ἀδύτοις αὐτῆς διατριβὴ καὶ ἐχομένης ἤδη τῷ φωτὶ καὶ τερπομένης ἐν πολλῇ χάριτι.

¹ C. J. G. 2881.

² Newton Discoveries Nr. 61. pag. 777.

³ Newton l. c. pag. 791. Nr. 96.

⁴ C. J. G. 3002.

⁵ C. J. G. 2869.

⁶ C. J. G. 2880.

etiam Antipater¹ et alio loco Antipatri² filius, Posidonii filius³ et alius recentior Posidonius,⁴ Menandri adoptivus⁵ et alius recentior Menander⁶ nominantur. Qua re probatur, certas quasdam familias prophetiam capessivisse.⁷

Iam antea de primordiis Branchidarum disputantes, nonnullarum sacerdotum familiarum mentionem fecimus:

1) Branchidarum. 2) Euangelidarum. 3) Trambelidarum. Sed exstant aliqua apud scriptores testimonia, alias quasdam praeter jam commemoratas sacerdotum gentes Didymis fuisse.

4) *Cleochidas*: ex doctis Apollonii Rhodii scholiis⁸ certiores fimus, Apollinis et Ariae filium fuisse Miletum. Ariae patrem Cleochum nuncupant, atque Clemens Alexandrinus⁹ Clearchum quendam in Didymaeo sepultum esse tradidit. Apud Arnobium¹⁰ autem, qui Clementem exscripsit, recte Cleochus nominatur. Sed in templo sacerdotes sepeliuntur. Atque mihi verisimile est, Cleochum, auctorem gentis Cleochidarum, eodemmodo in Apollinis templo sepultum esse, quo Cinyras et ejus progenies in Paphiae Veneris delubro.¹¹

5) *Bacchiadas*: Apud Hesychium¹² invenimus, Bacchiadas non solum Milesiam, sed etiam Corinthiam gentem fuisse. Cum pro certo sciamus, inter Clarii fani sacerdotes Bacchiadas¹³ fuisse, probabile est, etiam Milesios Bacchiadas Apollinis fuisse sacerdotes. Nam Clarium et Didymaeum delubrum arctissime inter se conjuncta sunt.

¹ C. J. G. 2855.

² C. J. G. 2857.

³ C. J. G. 2854.

⁴ C. J. G. 2884.

⁵ C. J. G. 2855.

⁶ C. J. G. 2881.

⁷ Boeckh. adnot. ad. 2880.

⁸ Scholia ad Apoll. Rhod. Argon. I, 186.

⁹ Clem. adm. ad gentes pag. 29 B. ed. Sylb. Ἀεάνδρος δὲ Κλέαρχον ἐν Μιλήτῳ τελευτᾶσαι ἐν τῇ Διδυμαίῳ φησίν.

¹⁰ Arnobius adv. gentes ed. Elmenh. II pag. 218.

¹¹ Clemens l. c.

¹² Hesych. s. v. Βακχιάδαι οὐ μόνον Μιλήσται, ἀλλὰ καὶ Κορίνθιοι.

¹³ Scholia in Nicandr. Alexiph. 11.

6) γένος ἀπ' Αἰάντος: in titulo apud Lebasium Philidas, Heraclionis filius, propheta, se philosophum epicureum et ex Ajacis gente prognatum esse gloriatur.¹

7) Flavianus Phileas,² Didymaei Apollinis propheta, se esse πατέρων γένους ναυάρχων καὶ κτιστῶν affirmat, ac pari modo Menander³ propheta est „γένους τῶν κτισάντων τὴν πόλιν.“ Intellegimus ergo, nobilissimas et antiquissimas Milesiorum familias, quae ex Athenis originem duxerunt, sacerdotii honorem summo studio petivisse.

Propheta per annum munere suo fungebatur, uti liquet ex prophetarum catalogo, quem Newtonius Britannus juris publici fecit. Ibi enim propheta quidam recensetur,⁴ Philidae filius, atque addit, eodem anno filiam hydrophoria functam esse. „Annus“ aperte de anno dignitatis propheticæ intellegendus est.

Prophetae e certo candidatorum numero eligebantur. Qui vero semel munere functus erat, raro denuo propheta factus est, ita ut in titulo, qui in honorem Claudii Damae scriptus est, dilucide notaretur, eum bis hunc honorem esse assecutum.

Qui quidem propheta, unum et octoginta annos natus, iterum propheta creatus est, et patrios ritus caerimoniasque in templo restituit.⁵

Quem quidem titulum valde mutilatum esse, magnopere doleo. Nam Claudius Damas propheta, qui antiquos ritus renovavit, homo gravissimus et magnae apud Milesios auctoritatis fuisse videtur.

Quin etiam ter prophetam dignitate sua fructum esse, titulus elegiaco metro conscriptus, testatur:⁶

Εὐσεβέσιν κλήραις, Ποσ(ε)ιδώνιε, τρίς σε λαχόντα
 Δέρκομαι ἐν Διόθυμοις στέμμασιν ἀθανάτοισι.
 Τοῖον ὅν Ἀπόλλων σε προφήτην ἡσπάσατ' αὐτός.
 Ἀἴμιμα, κρίσιν μητρὸς τ' εὐσεβίην δικάσας.
 Οὐ κλέος οὐδ' αὖθις ἐπύχσεται· ἀνδρὰ γὰρ εἶδεν
 Τῶν πρὶν λειτουργῶν οὐδενὶ λειπόμενον.

¹ Lebas voyag. archéol. Inscr. Tom. III Nr. 239.

² C. J. G. 2880. — ³ C. J. G. 2881.

⁴ Newton Discoveries II, 2 Nr. 60 [ὁ δεῖναι] Φιλίδου. ἐν δὲ τῷ αὐτῷ ἐνταυτῷ ὑδροφόρῃ ἡ θυγάτηρ αὐτοῦ Χρυσά.

⁵ C. J. G. 2884. — ⁶ C. J. G. 2884.

Ex voce quae est *κρίειν* apparet, qui de prophetia sortirentur, antea probatos esse „δοκιμασίᾳ“ aliqua, quae ad gentem, parentes, innocentiam, integritatem pertinebat. Quare πρόκριτοι facti sunt, quibus facultas est de sacerdotiis et similibus muneribus sortiendi.¹

Quo ex titulo docemur sacerdotali vitta prophetam aequae ac stephanephorum redimitum fuisse.

Idem quoque sequitur ex titulo quodam detruncato, qui versibus elegiacis Heracleonem, Niciadae filium, prophetam celebrat.²

Αὐτός ὁ (Λ)οξιδίας (ἀρ)ε(τῆς) . . .
Μάρτυρας εὐσεβίτης κλῶνας (ἐπὶ κ)ροτά(φους)
Ἀργεννο(ῖς τ)ε θεοῦ σε(εφθ)έ(ντ)α . . .

Nonnunquam autem Milesiorum senatus prophetam, omissis sortibus, ex suo arbitrio constituit.³

Alius denique titulus, a Cyrillo metropolita neglegentissime transcriptus, προστάτην τοῦ Διδυμέως Ἀπόλλωνος commemorat. Cum nil certi de Apollinis antistite nobis traditum sit, satis erit eum commemorasse.⁴

Ad celebrandum Didymaei Apollinis cultum dies festos magna cum pompa et cum splendore magnifico agebant. Prophetarum vero munus fuit, sumptus vel maximos sustinere. Quin etiam praeter debitas largitiones aedificia construxerunt, quae populi usui destinata fuere.⁵ Quotannis dies festi Apollini celebrabantur.⁶

¹ Boeckhii adnot. ad. 2884. Welcker sylloge Epigr. Gr. Nr. 161.

² Lebas voyage archéol. Inscr. Nr. 243. Wadding. in comment. pg. 84.

³ C. J. G. 2882. . . . Φλαβιανὸς Φιλέας, λαβὼν παρὰ τῆς πατρίδος τὴν προφητείαν, ἀκληρωτεῖ ἐτῶν ὧν εἴκοσι τριῶν.

⁴ Titulus in Ἑρμῇ λογίῳ a. 1812 et apud Boeckhium ita scriptus est: (C. J. G. 2882) γενόμενος . . . τῆς τῶν μεγάλων Διδυμείων . . . μοδίωκ . . . ὁμοῦς προστάτης Διδυμέως Ἀπόλλωνος, κώταρχος κτλ. fortasse legendum est: γενόμενος ἀγωνοθέτης τῶν μεγάλων Διδυμείων Κομμοδίων, γενόμενος προφήτης Διδυμέως Ἀπόλλωνος, κώταρχος κτλ. cfr. 2880 et 2881. Atque eo potius errasse existimo Cyrillum, quod in fine invenimus . . . ἐν τῷ αὐτῷ τῆς προφητείας (ἐν αὐτῷ ἐνδείξιμένους) εὐσέβειαν κτλ.

⁵ C. J. G. 2881.

⁶ Lebas voy. archéol. Nr. 222 (δοχ)θέντος τοῖς σε(φανηφ)οῖς καὶ

Sed summo cum splendore magna Didymea, τὰ μέγαρα Διδύμεια, agebantur. Quae, uti Olympia, Panathenaea, alia non quotannis, sed quarto quoque anno celebrata esse videntur. Quodsi concedimus, facillime titulus explicari potest, quem Waddingtonius se intellegere negavit.¹ Titulus autem ita legitur:

προφήτης Στράτων Διογένης, αὐτοῦτης πανηγυρικῆς, δήμου Λερίων.²

Cum prophetae annuo munere fungerentur, Straton dicere voluit, se eo anno prophetasse, quo Didymeorum ludi celebrabantur. Quo cum titulo Laginensis comparandus est:

Ἱερεὺς Ἐκάτων . . . κατὰ πενταετηρίδα.³

Sollemnia autem, quae et gymnica et musica fuerunt, in ipso templo, videlicet intra septum sacratum, celebrabantur.⁴

Ludis praesidebat ὁ ἀγωνοθέτης τῶν μεγάλων Διδυμείων,⁵ etiam ὁ πανηγυριαρχήσας τῶν μεγάλων Διδυμείων appellatus.⁶ Ad quem honorem prophetae, stephanephorī, quaestores templi, denique ei, qui de templo optime meriti erant, ascenderunt.⁷ Ludos etiam musicos fuisse ex eo sequitur, quod Menander χορηγὸς τῶν ἀρίστων χορηγιῶν nominatur.⁸

Uti igitur stephanephoro et prophetae Apollinis sacra petrandae sunt, ita Dianae sacerdotio virgo fungitur, ἡ Ὑδροφόρος Ἀρτέμιδος Ἰωβίτης, quae vocatur. Non recte mihi Soldanus⁹ statuisse videtur, Dianam et Apollinem θεοὺς συνάους fuisse. Proprium enim Dianae templum titulis nobis notum est.¹⁰ Neque

τοῖς στρατηγ(οῖς ὅποι)ς πρόνοια γένηται . . . εἰς τὴν ὀφείλουσαν (Ἀπό)λλ(ωνι) (Διδυμεῖ) θυσίαν καὶ ἱ(ερ)ο(μην)ίαν (ποιεῖ)σθαι, καθὼς ἐθίζεται . . .

¹ Waddingt. in comment. ad. Lebas voy. arch. pag. 84. „Quant à l'expression αὐτοῦτης πανηγυρικῆς, je ne comprends pas ce qu'elle signifie.“

² Lebas voy. archéol. Nr. 239.

³ Newton Discoveries II, 2 Nr. 102.

⁴ C. J. G. 2888. νικήσαντα τὰ μέγαρα Διδύμεια πάλιν τρίς κατὰ τὸ ἐξῆς ἐν τῇ ἱερῇ τοῦ Διδυμείως Ἀπόλλωνος. Newton l. c. Nr. 59. pag. 774 ἀγαθῇ τύχῃ Λεύκιον Λευκίου νικήσαντα τὰ μέγαρα Διδύμεια . . .

⁵ C. J. G. 2881.

⁶ Lebas Inscr. 229.

⁷ C. J. G. 2881. Lebas Inscr. 229.

⁸ C. J. G. 2881.

⁹ Zeitschrift für Alterthumswissenschaft 1841 pag. 583.

¹⁰ Lebas Inscr. 228. C. J. G. 2883 d.

rectius de Apollinis prophetide mihi disputasse videtur, quae ipsa illa Dianae hydrophoros sit.¹ Sed quomodo una eademque Apollinis mulier fatidica et Dianae sacerdos esse potest? Neque ex titulis liquet, Hydrophoron vaticinatam esse; sed mysteriis praesedit.

Dianae sacerdos pari modo ac propheta in annum creabatur.² Atque Malia Rufina, hydrophoros, se ex prophetarum et stephanephororum gente prognatam esse jactat, quod pater et avus et majores et cognati omnes summis reipublicae et oraculi muneribus functi sunt.³ Intellegimus itaque, Dianae antistitem ex eisdem familiis ac Apollinis sacerdotes captam esse.

Quamvis nusquam expressis verbis annotatum sit, tamen valde probabile est, Dianae apud Branchidas antistitem virginem fuisse. Ea enim dea fere semper castitatis religionem sacerdotibus imperavit. Itaque, teste Pausania, Aegirae,⁴ Calydones,⁵ Patris,⁶ Orchomeni,⁷ Spartae⁸ virgo Dianae sacra perpetravit. Plutarchus⁹ vero Ephesiae Dianae tres sacerdotes, quas Mellieren, Hieren et Parieren nuncupat, cum Vestae virginibus comparat, ita ut etiam Ephesias sacerdotes castimoniam servasse intellegamus.

In mysteriis, quae Dianae apud Branchidas celebrabantur, sacerdoti maxime curae esse debuit, uti ritus et caerimoniae pie sancteque perpetrarentur.¹⁰

Ex nonnullis vestigiis sequitur, Dianae sacerdotem ditissimam fuisse et maxima ex agris vectigalia percepisse. Primum

¹ l. c. pag. 578 u. 583.

² Newton l. c. Nr. 60.

³ C. J. G. 2885.

⁴ Pausan. VII, 26, 5.

⁵ Pausan. VII, 18, 12.

⁶ Pausan. VII, 18, 12.

⁷ Pausan. VIII, V, 11 et 13, 1.

⁸ Pausan. III, 18, 4.

⁹ Plutarch. an seni sit ger. resp. XXIV.

¹⁰ C. J. G. 2885. τελέσσα τὴν ὑδροφορίαν εὐαρέστως τοῖς πολίταις. C. J. G. 2886 ποιήσασα τὰ μυστήρια πάντα εὐσεβῶς τοῖς θεοῖς. Lebas Nr. 228 et C. J. G. 2885 d. πληρώσασα δὲ καὶ τὴν ὑδροφορίαν δέξως τοῦ γένους, φιλοτείμως, καὶ τὰ μὲν μυστήρια ἐκτενῶς τελέσσα.

enim, quae sacerdotio functae erant, ad exornandum templum luculenta dona, aulaea, aëneas portas, alia deae consecraverunt.¹

Dein diebus festis Dianae sacerdos Milesios hospitio recipiens, senatoribus, mulieribus, virginibus magnas pecunias distribuit.²

Nemus et loca, Dianae templo adjacentia, aquarum abundantia, quae Dianae consecratae erant, insignia fuerunt. Itaque in titulo, qui in honorem hydrophori Theogenidis scriptus est, commemoratur, eam primam cum fratribus et cognatis quibusdam fontem fodisse et aquaeductum extruxisse.³

Quas ob causas in honorem nonnullarum sacerdotum senatus decreta palam facta sunt.⁴

Nunc vero ad Cabiromum sacra nos convertamus. Et quoniam de origine et genere horum deorum magna inter viros doctos dissensio est, id solum commemoro, me Moversii⁵ sententiam secutum esse, qui Phoenicum deos Cabiros esse statuit.

Vox enim, quae est כַּבִּירִי Semiticis linguis magnum et potentem valet.⁶ Atque jam veteres recte ita Cabiromum nomen explicaverunt: „θεοὶ μεγάλοι, θεοὶ δυνατοί, θεοὶ χρηστοί.“⁷ Venus quoque Arabum lingua Cabira, dea potens, vocari traditur.⁸ Si-

¹ C. J. G. 2886 ἀνέθηκε δὲ τῇ Ἀρτέμιδι τὸ παραπέτασμα. C. J. G. 2885 d. et Lebas Nr. 228. ἀναθεῖσα δὲ (ἐκ τῶν) ἰδίων καὶ τὰς χαλκᾶς θύρας τοῦ (ἄλσους) (τ)ῆς Ἀρτέμιδος καὶ τὰ λίθινα (βήματα) σὺν ὑπερθύρῳ καὶ ὀδῷ ἐπὶ τὸν ναόν.

² C. J. G. 2883 C. Lebas Nr. 227. Waddingt. pag. 82. ἐστίασας πάντας τοὺς πολεῖτας ἐπὶ ἡμέρας ἰγ', (δοῦσα δὲ) καὶ διανομὰς τοῖς ἐκ να(οῦ) γυναιξίν καὶ ταῖς παρθένοις, ποιήσασα δὲ καὶ τοῖς παισὶ τὰ δεῖπνα ἐν τοῖς Ἀνθ(εστηρίοις) . . . ἐπὶ ἡμέρας δι', δοῦσα δὲ τῇ ἱερᾷ βουλῇ διανομὰς. C. J. G. 2885 d. Lebas Nr. 228. C. J. G. 2886.

³ κατεσκεύασε δὲ πρώτη ὑδροφόρων . . . τοὺς κήπους? . . . καὶ φρέατα καὶ ὕδρεϊα . . . καὶ τὰς κρήνας ἐμπροσθεν τοῦ ναοῦ τῆς Ἀρτέμιδος καὶ τὸ ὕδωρ ἐκ τῶν ἰδίων καθέρωσεν τοῖς θεοῖς. C. J. G. 2885. Lebas Nr. 225. Waddingt. pag. 82.

⁴ C. J. G. 2885. C. J. G. 2885 b.

⁵ Movers Phoenizier I pag. 651 ff. cui adstipulantur Dunckerus & Schoemannus.

⁶ Gesenius s. v.

⁷ Cassius Hemina apud Servium ad Aeneid. I, 378.

⁸ Movers l. c. I pag. 652.

mili modo Cabirorum minister Καθμλος, קְתִימָל¹ servus dei, nuncupatur. Dein Cabirorum sacerdoti Κέλης nomen inditum est, aperte כֶּלֶךְ, sacerdos. Samothraciae denique insulae antiquo tempore Melitae nomen fuit. At ubicunque hujus nominis mentio fit, pro certo constat, hoc loco Phoenices sedem collocasse.²

Itaque etiam Cabirorum sacra, quae apud Milesios floruerunt, ex Phoenice primam duxisse originem mihi probabile est, quamquam, qui primi peregrinis illis sacrorum sollemnibus initiarunt Milesios, Onnes et Tottes, Phryges fuerunt.³

Qui apud Branchidas Cabirorum sacerdotioungebatur, κατάρχης seu κώταρχος τῶν μεγάλων θεῶν Καβίρων nominabatur. Atque ex titulis compertum habemus, hoc munus nonnumquam Apollinis prophetas suscepisse.⁴

Vox quae est κατάρχης fortasse recte a Keilio,⁵ cui et Boeckhius adstipulatur, explicata est. Is enim κατάρχην coëtum antistitem „κλήτων ἀρχόν“ significari vult.

Cabiris etiam adjungenda est Leucothea dea, quae apud Rhodios quoque finitimos deorum orientalium „τῶν προστηφών διαμύων“ mater est.⁶ In honorem Leucotheae puerorum ludi celebrabantur.⁷

Praeterea etiam Fortunae, Themidi, Latonae Triviaeque sacella vel altaria quaedam dedicata fuisse, ex regum Seleucidarum donis manifesto apparet.⁸

Iam vero cum Didymaeum delubrum ditissimis adnumerandum sit, magno etiam territorio praeditum fuit. Quod quamvis non tanta testimonium multitudine, quanta in Triviae Lagenensis delubro, confirmetur, tamen ex titulo memorabili colligi potest,

¹ Gesenius s. v.

² E. Curtius Sieben Karten zur Topogr. v. Athen Text pag. 11.

³ Nicolaus Damascen. frgin. 54. Müller frgin. historic. Graec. III pag. 388. Feder excerpt. Escorial. pag. 95.

⁴ C. J. G. 2880 et 2882.

⁵ Specimen onomatol. Graeci pag. 107 ff.

⁶ Diod. Sicul. V, 55.

⁷ Conon ap. Phot. cod. 186 Nr. 44. C. J. G. 2855.

⁸ C. J. G. 2852.

in quo οἱ περὶ τὸ μαντεῖον πάντες καὶ οἱ τὸ ἱερὸν κατοικοῦντες καὶ οἱ πρόσχωροι¹ commemorantur.

οἱ περὶ τὸ μαντεῖον καὶ οἱ περὶ τὸ ἱερὸν aperte sacerdotes et aeditui (οἱ ἱερόδουλοι) sunt, πρόσχωροι vero incolae agri sacri, qui sub jure potestateque prophetae et hydrophori fuit.

Dein etiam mulierum, quae ad templum pertinuerunt, mentio fit, αἱ ἐκ ναοῦ γυναῖκες.²

Sacrae quoque terrae Panormus portus fuit, quo peregrini, Apollinem seiscitaturi, navim appellebant. Quo loco sacer fons prosiluit, qui quidem ex Mycale monte originem duxisse et per mare Panormum penetrasse traditur.³

Μοῦνη δ' Ἡελίῳ⁴ ψασσιμβρότιν εἰσέτ' ἔασιν
Ἐν Διδύμων γυάλοις Μυκαλήϊον ἐνθρον ὕδαρ.

Ex Panormo ad Didymaeum sacra via munita fuit, statuīs perantiquis atque donis fautorum templi ornata. Nostro demum aevo Newtonius Britannus, statuas nonnullas, quas temporum iniquitas nondum deleverat, in Britanniam removit.⁵

Templi vero redditus a quaestoribus administrabantur, qui ταμίαι vel ταμίαι καὶ πάρεδροι ἐν τῷ ἱερῷ nuncupantur.⁶ In titulis modo sex, modo duo commemorantur. Atque cum in aliis unius modo mentio fiat, fortasse recte Boeckhius conjecit, pro eorum principē eum habendum esse. Munere per semestre fungebantur.⁷

Summi momenti est, Branchidarum fanum etiam eudendorum nummorum jure fructum esse. Namque J. Millingen⁸ praeclarum Didymaei delubri nummum publici juris fecit, cujus

¹ C. J. G. 2879.

² Lebas nr. 227.

³ Pausan. V, 7, 5.

⁴ Euseb. praep. evang. V, 16 c. not. Vigeri.

⁵ Fusa de illis statuīs disputerunt O. Müller kl. Schrift. II pag. 602. L. Ross archaeol. Aufs. II, 378—383. Newton Discoveries Vol. II Part. II Cap. XXIII pag. 527 ff.

⁶ C. J. G. 2852. 2879 etc.

⁷ C. J. G. 2879.

⁸ J. Millingen Sylloge of ancient inedited coins. London 1837. pag. 70 et 71.

in fronte Apollo laureatus, in parte aversa leo gradiens, stellam aspiciens, formatus est. Marginis vero inscriptio est:

ἐγ Διόμῳν ἱερῇ.

Qua ex re docemur, fanum non in potestate ac dicione Milesiorum fuisse, sed sua jura ac leges habuisse.

§ 4.

De Branchidarum apud Milesios auctoritate.

Restat denique, uti paucis adumbremus, quomodo Branchidae Milesios ad humanitatem informarint. Priscis enim temporibus homines feroces et impotentes a deorum vatibus et sacerdotibus gubernentur, necesse est. Atque uti medii aevi episcopi et abbates treugam Dei, quae vocatur, constituerunt, ne perpetuis inimicitii ac bellis populi semetipsos dilacerarent, ita etiam apud Graecos Lycurgus auctoritate Delphici Apollinis usus, intestinam Lacedaemoniorum discordiam composuit, et Epimenides, Creticus vates, Atheniensibus pacem reddidit. Similia etiam de Branchidis memoriae produntur. Seditione enim coorta inter Milesiorum optimates et plebejos, qui Gergithes nominantur, divites, posteaquam victores evaserunt, tam crudeliter in plebejos consuluerunt, uti eos cum liberis pice linerent et cremarent. Qui cum misere periissent, multa prodigia evenerunt, et sacra olea igne consumpta est. Sacerdotes vero Milesiorum proceribus sacrificiis omnibus interdixerunt, et per longum temporis spatium theoros, qui numinis voluntatem sciscitarentur, ab oraculo removerunt, respondentes:

Καί μοι Γεργίθων¹ τς φόνος μέλει ἀποτολεμίστων
Πιστήρων τς μόρος καί δένδρεον αἰὲν ἀθάλλεζ.

En factum praeclarum, Ambrosio et Ioanne Chrysostomo dignissimum! Sacerdotis enim est, miseros et oppressos adjuvare, neque potentium ira terreri.

Ubi autem publica calamitas Milesiorum urbem oppressit, populus omnis ad Didymaei oraculi sacerdotes confugit, qui Mi-

¹ Athenaeus XII pag. 524 b.

lesios a communi peste liberarent. Cujus rei testis est Clemens Alexandrinus.¹ Branchus enim, uti perniciem a populo averruncaret, eum lauri ramis aspérgens, hymnum dicendo praeivit hoc modo:

Μέλπετε, ὦ παῖδες, Ἐκάργων καὶ Ἐκαίργαν.

Ita autem acclamavit multitudo, ut diceret:

Βέδου, ζάμψ, χθῶ, πλῆκτρον, σφίγξ,
Κναξίζβι, χθύπτρις, φλεγμῶ, ὀρόψ.

Etiamsi versus illi, qui ὑπογράμμων παιδικῶν² seu Ἐπρεσίων γραμμάτων numero ascribendi sunt, perantiqui esse nequeant,³ tamen nos docent, praeter sacerdotes popularium quoque conventum, non aliter ac apud christianos, rerum sacrarum partem capessivisse.

Quanta autem sacerdotum auctoritas fuerit, ex Iuliani loco, memoratu dignissimo, apparet. Ex eo enim comperimus, Branchidas eis, qui nefarie ac superbe in sacerdotes consulerent, summas a deo poenas incurrere proclamasse:

Ὅσοι ἐς ἀρητῆρας ἀτασθαλίῃσι νόοιο
'Αθανάτων βέζουσ' ἀποφώλια, καὶ γεράεσσιν
'Αντία βουλεύουσιν ἀδεισιθεοῖσι λογισμοῖς,
Ὅσθεθ' ὅλην βίῳ τοιο διεκπερῶσιν ἀταρπὸν.
Ὅσοι περ μακάρεσσιν ἐλωβήσαντο θεοῖσιν,
'Ὀν κείνοι θεόσπετον ἔλον θεραπήϊδα τιμῇν.⁴
Καὶ πάλιν ἐν ἄλλοις ὁ θεός φησι·⁵
Πάντας μὲν θεράποντας ἐμοῦς ὁλοῆς κακοτήτος κτλ. . . .

Priusquam disputandi finem faciam, addere mihi liceat verba sollemnia, quibus Andreas propheta Didymaeum deum invocavit:⁶

Ἀπολλων ὦναξ, τέμενος ἀμφέπων Βράγχου
Εἴ τοι μέμηλεν ἔμπεδος προφητεῖη,
'Ες Ἀνδρέαν ὅσοισι πρήεσιν ἕρκευ.

¹ Clemens Alex. stromat. V pag. 570 A B. ed. Sylb.

² Soldan Zeitschrift für Alterth. 1841 pag. 553.

³ Hoeck Kreta II pag. 523. Lobeck Aglaoph II pag. 1331.

⁴ Julian. epist. LXII ed. Heiler.

⁵ Julian. Imp. frgm. pag. 298 A. ed. Spanheim.

⁶ Newton Discoveries pag. 777. Nr. 61.

